



歷代名賢列女氏姓譜卷之四十四

湘鄉

蕭智漢雲澤氏纂輯

男秉信明甫氏校

上平聲

孫氏

明

孫承宗字稚繩高陽人貌奇偉鬚髯戟張與人言聲殷墻壁始爲縣學生授經邊郡往來飛狐拒馬間直走白登又從紇于清波故道南下喜從材官老兵究問險要扼塞用是曉暢邊事萬歷三十二年登進士第二人授編修進中允挺擊變起大學士吳道南以諮承宗對曰事關東宮不可不問事連貴妃不可深問麗保劉成而下不可不問也麗保劉成而上不可深問也道南如其言具揭上之事遂

氏姓譜

卷四十四

十三元

孫氏

一

定出典應天鄉試發策著其語櫻黨人忌將以大計出諸外學士劉一燝保持乃得免歷諭德洗馬熹宗卽位以左庶子充日講官帝每聽承宗講輒曰心開故眷注特殷天啟元年進少詹事時瀋遼相繼失舉朝洶洶御史方震孺請罷兵部尚書崔景榮以承宗代廷臣亦皆以承宗知兵遂推爲兵部添設侍郎主東事帝不欲承宗離講筵疏再上不許二年擢禮部右侍郎協理詹事府未幾

大清兵逼廣寧王化貞棄城走熊廷弼與俱入闕兵部尚書張鶴鳴懼罪出行邊帝亦急東事遂拜承宗兵部尚書兼東閣大學士入直辦事越數日命以閣臣掌部務承宗上疏曰邇年兵多不練餉多不覈以將用兵而以文官指練以將臨陣而以文官指發以武畧備邊而日增置文官於幕以邊任經撫而日問戰守於朝此極弊也今天下當

重將權擇一沉雄有氣畧者授之節鉞得自辟置偏裨以下勿使文吏用小見沾沾陵其上邊疆小勝小敗皆不足問要使守關無闌入而徐爲恢復計因列上撫西部恤遼民簡京軍增永平大帥修薊鎮亭障開京東屯田數策帝褒納焉時邊警屢告閣部大臣幸旦暮無事而言路日益紛呶承宗乃請下廷弼於理與化貞並讞用正朝士黨護又請逮給事中明時舉御史李達以懲四川之招兵致寇者又請詰責遼東巡按方震孺登萊監軍梁之垣薊州兵備卻可立以警在位之訛敵者諸人以次獲譴朝右聳然而側目怨咨者亦衆矣兵部尙書王在晉代廷弼經畧遼東與總督王象乾深相倚結象乾在薊門久習知西部種類情性西部亦愛戴之然實無他才惟啖以財物相羈縻冀得以老解職而已在晉謀用西部襲廣寧象乾甚之曰

氏姓譜

卷四十四

十三元

孫氏

二

得廣寧不能守也獲罪滋大不如重關設險衛山海以衛京師在晉乃請於山海關外八里鋪築重關用四萬人守之其餘佐袁崇煥沈榮孫元化等力爭不能得奏記於首輔葉向高向高曰是未可臆度也承宗請身往決之帝大喜加太子太保賜蟒玉銀幣抵關詰在晉曰新城成卽移舊城四萬人以守乎在晉曰否當更設兵曰如此則八里內守兵八萬矣一片石西北不當設兵乎且築關在八里內新城背卽舊城趾舊城之品坑地雷爲敵人設抑爲新兵設乎新城可守安用舊城如不可守則四萬新兵倒戈舊城下將開關延入乎抑閉關以委敵乎曰關外有三道關可入也曰若此則敵至而兵逃如故也安用重關曰將建三寨於山以待潰卒曰兵未潰而築寨以待之是教之潰也且潰兵可入敵亦可尾之入今不爲恢復計畫關而

守將盡撤藩籬日闕堂奧畿東其有寧宇乎在晉無以難
承宗乃議守關外監軍閻鳴泰主覺華島袁崇煥主寧遠
衛在晉持不可主守中前所舊監司邢慎言張應吾逃在
關皆附和之初化貞等既逃自寧遠以西五城七十二堡
悉爲哈喇慎諸部所據聲言助守邊前哨遊擊左輔名駐
中前實不出八里舖承宗知諸部不足信而寧遠覺華可
守已決計將自在晉發之推心告語凡七晝夜終不應還
朝言敵未抵鎮武而我自燒寧前此前日經撫罪也我棄
寧前敵終不至而我不敢出關一步此今日將吏罪也將
吏匿關內無能轉其畏敵之心以畏法化其謀利之智以
謀敵此臣與經臣罪也與其以百萬金錢浪擲於無用之
版築曷若築寧遠要害以守八里舖之四萬人當寧遠衝
與覺華相犄角敵窺城令島上卒旁出三岔斷浮橋統其

氏姓譜

卷四十四

十三元

孫氏

三

後而橫擊之卽無事亦且收二百里疆土總之敵人之帳
幕必不可近關門杏山之難民必不可置膜外不盡破虜
人之論遼事不可爲也其他制置軍事又十餘疏帝嘉納
無何御講筵承宗面奏在晉不足任乃改南京兵部尙書
并斥逃臣慎言等而入里築城之議遂熄在晉旣去承宗
自請督師詔給關防敕書以原官督山海關及薊遼天津
登萊諸處軍務便宜行事不從中制而以鳴泰爲遼東巡
撫承宗乃辟職方主事鹿善繼王則古爲贊畫請帑金八
十萬以行帝特御門臨遣賜尙方劄坐蟒閣臣送之崇文
門外旣至關令總兵江應詔定軍制僉事崇煥建營舍廢
將李秉誠練火器贊畫善繼則古治軍餉沈榮杜應芳繕
甲仗司務孫元化築敵臺中書舍人宋獻羽林經歷程嵩
主市馬廣寧道僉事萬有孚主採木而令遊擊祖大壽佐

金冠於覺華副將陳諫助趙率教於前屯遊擊魯之甲拯
難民副將李承先練騎卒參將楊應乾募遼人爲軍是時
關上兵名七萬顧無紀律冒餉多承宗大閱汰逃將數百
屯爲兵應乾所募遼卒出戍寧遠咨朝鮮使助聲援犒毛
文龍於東江令復四衛檄登帥沈有容進據廣鹿島欲以
春防躬詣登萊商進取而中朝意方急遼弗許也應詔被
劾承宗請用馬世龍代之以允世祿王世欽爲南北帥聽
世龍節制且爲世龍請尙方劍帝皆可之世龍既受事承
宗爲築壇拜行授鉞禮率教已守前屯盡驅哈喇慎諸部
撫場猶在八里舖象乾議開水關撫之關內承宗不可乃
定於高臺堡時

大清兵委廣寧去遠遺民入居之插漢部以告有孚有孚

氏姓譜

卷四十四

十三元

孫氏

四

謀挾西部乘間殲之旨恢復功承宗下檄曰西部殺我人
者致罰如盟言是役也全活千餘人帝好察邊情時令東
廠遣人詣關門具事狀奏報名曰較事及魏忠賢竊政遣
其黨劉朝胡良輔紀用等四十五人齋內庫神礮甲仗弓
矢之屬數萬至關門爲軍中用又以白金十萬蟒麒麟獅
子虎豹諸幣頒賚將士而賜承宗蟒服白金慰勞之實覘
軍也承宗方出關巡寧遠中路聞之立疏言中使觀兵自
古有戒帝溫旨報之使者至具杯茗而已鳴泰之爲巡撫
也承宗薦之後知其無實軍事多不與議鳴泰快快求去
承宗亦引疾言官共留承宗詆鳴泰巡關御史潘雲翼復
論劾之帝乃罷鳴泰而以張鳳翼代鳳翼怯復主守關議
承宗不悅乃復出關巡視抵寧遠集將吏議所守衆多如
鳳翼指獨世龍請守中後所而崇煥善繼及副將茅元儀

力請守寧遠承宗然之議乃定令大壽興工崇煥滿桂守之先是虎部竊出盜掠率教捕斬四人象乾欲斬率教謝虎部承宗不可而承宗所遣王楹戍中右護其兵出探木爲西部朗素所殺承宗怒遣世龍勦之象乾恐壞撫局令朗素縛逃人爲殺楹者以獻而增市賞千金承宗方疏爭而象乾以憂去承宗患主款者撓已權言督師總督可勿兼設請罷已不可則弗推總督并請以遼撫移駐寧遠帝命止總督推而鳳翼謂置已死地也因大恨與其鄉人雲翼有孚等力毀世龍以滅承宗無何有孚爲薊撫岳和聲所劾益疑世龍與崇煥構陷乃共爲浮言撓出闕計給事中解學龍遂極論世龍罪承宗憤抗疏陳守禦策言拒敵門庭之中與拒諸門庭外勢旣辨我促敵二百里外敵促我二百里中勢又辨蓋廣寧我遠而敵近寧遠我近而敵

氏姓譜

卷四十四

十三元

孫氏

五

遠我不進逼敵敵將進而逼我今日卽不能恢遼左而寧遠覺華終不可棄請敕廷臣雜議主客之兵可否久戍本折之餉可否久輸關外之土地人民可否捐棄屯築戰守可否興舉再察敵人情形果否坐待可以消滅臣不敢爲百年久計祇計及五年間究竟何如倘臣言不當立斥臣以定大計無紆迴不決使全軀保妻子之臣附合衆隊以殺臣一身而悞天下也復爲世龍辨而發有孚等交搆狀有孚者故侍郎世德子也爲廣寧理餉同知城陷逃歸象乾題爲廣寧道僉事專撫插漢乾沒多至是以承宗言被斥鳳翼亦以憂歸喻安性代而廷臣言總督不可裁命吳用先督薊遼代象乾承宗惡本兵趙彥多申制稱疾求罷舉彥自代以困之廷議不可而止時寧遠城工竣關外守具畢備承宗圖大舉奏言前哨已置連山大凌河速與臣

餉二十四萬則功可立奏帝命所司給之兵工二部相與謀曰餉足渠卽妄爲不如許而不與文移往復稽緩之承宗再疏促具以情告帝爲飭諸曹而師竟不果出初方震孺游士任李達明時舉之譴承宗實劾之後皆爲求宥復稱楊鎬熊廷弼王化貞之勞請免死遣戍朝端諱然給事中顧其仁許譽卿御史袁化中交章論駁帝皆置弗省會承宗叙五防效勞諸臣且引疾乞罷乃遣中官劉應坤等齎帑金十萬犒將士而賜承宗坐蟒膝襪佐以金幣當是時忠賢益盜柄以承宗功高欲親附之令應坤等申意承宗不與交一言忠賢由是大恨會忠賢逐楊漣趙南星高攀龍等承宗方西巡薊昌忿抗疏帝未必親覽往在講筵每奏對輒有入乃請以賀聖壽入朝面奏機宜欲因是論其罪魏廣微聞之奔告忠賢承宗擁兵數萬將清君側兵

氏姓譜

卷四十四

十三

孫氏

六

部侍郎李邦華爲內主公立齏粉矣忠賢恚甚繞御床哭帝亦爲心動令內閣擬旨次輔顧秉謙奮筆曰無旨離信地非祖宗法違者不宥夜啟禁門召兵部尙書入令三道飛騎止之又矯旨諭九門守關承宗若至齊化門反接以入承宗抵通州聞命而返忠賢遣人偵之一襖被置輿中後車鹿善繼而已意少解而其黨李蕃崔呈秀徐大化連疏詆之至比之王敦李懷光承宗乃杜門求罷五年四月給事中郭興治請令廷臣議去留論旨餉者復踵至遂下廷臣雜議吏部尙書崔景榮持之乃下詔勉留而以簡將汰兵清餉三事責承宗奏報承宗方遣諸將分戍錦州大小凌河松杏右屯諸要害拓地復二百里罷大將世欽世祿副將李秉誠孫諫汰軍萬七千餘人省度支六十八萬而言官論世龍不已至九月遂有柳河之敗死者四百餘

入於是臺省劾世龍并及承宗章疏數十上承宗求去益力十月始得請先已屢加左柱國少師太子太師中樞殿大學士遂加特進光祿大夫廕子中書舍人賜蟒服銀幣行人護歸而以兵部尚書高第代爲經畧無何安性亦罷遂廢巡撫不設初第力扼承宗請撤關外以守關內承宗駁之第深憾明年寧遠被圍乃疏言關門兵止存五萬言者益以爲承宗罪承宗告戶部曰第初蒞關嘗給十一萬七千人餉今但給五萬人餉足矣第果以妄言引罪後忠賢遣其黨梁夢環巡關欲傳致承宗罪無所得而止承宗在關四年前後修復大城九堡四十五練兵十一萬立車營十二水營五火營二前鋒後勁營八造甲冑器械弓矢礮石渠答鹵楯之具合數百萬拓地四百里開屯五千頃歲入十五萬後叙寧遠功廕子錦衣世千戶莊烈帝卽位

氏姓譜

卷四十四

十三元

孫氏

七

在晉入爲兵部尚書恨承宗不置極論世龍及元儀熒惑樞輔壞關事又嗾臺省交口誣承宗以沮其出二年十月大清兵入大安口取遵化將薄都城廷臣爭請召承宗詔以原官兼兵部尚書守通州仍入朝陛見承宗至召對平臺帝愬勞畢問方畧承宗奏臣聞袁崇煥駐薊州滿桂駐順義侯世祿駐三河此爲得策又聞尤世威回昌平世祿駐通州似未合宜帝問卿欲守三河何意對曰守三河可以沮西奔遏南下帝稱善曰若何爲朕保護京師承宗言當緩急之際守陣人苦飢寒非萬全策請整器械厚犒勞以固人心所條畫俱稱旨帝曰卿不須往通其爲朕總督京城內外守禦事務仍參帷幄趣首輔韓爌草敕下所司鑄關防承宗出漏下二十刻矣卽周閱都城五鼓而畢復出閱重城明日夜半忽傳旨守通州時烽火徧近郊承宗

從二十七騎出東便門道亡其三疾馳抵通門者幾不納
既入城與保定巡撫解經傳御史方大任總兵楊國棟登
陣固守而

大清兵已薄都城乃急遣遊擊尤岱以騎卒三千赴援旋
遣副將劉國柱督軍二千與岱合而發密雲兵三千營東
直門保定兵五千營廣寧門以其間遣將復馬蘭三屯二
城至十二月四日而有祖大壽之變大壽遼東前鋒總兵
官也偕崇煥入衛見崇煥下吏懼誅遂與副將何可綱等
率所部萬五千人東潰遠近大震承宗聞急遣都司賈登
科齋手書慰諭大壽而令遊擊石柱國馳撫諸軍大壽見
登科言麾下卒赴援連戰俱捷冀得厚賞城上人羣詈爲
賊投石擊死數人所遣邏卒指爲間諜而殺之勞而見罪
是以奔還當出搗朶頗然後東身歸命柱國追及諸軍其

氏姓譜

卷四十四

十三元 孫氏

八

將士持弓刀相向皆垂涕言督師旣戮又將以大噉擊斃
我軍故至此柱國復前追大壽去已遠乃返承宗奏言大
壽危疑已甚又不肯受滿桂節制因譏言激衆東奔非部
下盡欲叛也當大開生路曲收衆心逸將多馬世龍舊部
曲臣謹用便宜遣世龍馳諭其將士必解甲歸大壽不足
慮也帝喜從之承宗密札諭大壽急上章自列且立功贖
督師罪而已當代爲剖白大壽諾之具列東奔之故悉如
將士言帝優詔報之命承宗移鎮闕門諸將聞承宗世龍
至多自拔來歸者大壽妻左氏亦以大義責其夫大壽欽
兵待命當潰兵出闕闕城被劫掠閉門罷市承宗至人心
始定闕城故十六里衛城止二里今敵在內闕城無可守
衛城連關可步屨而上也乃別築壙橫互於闕城穴之使
礮可平出城中水不足一晝夜穿鑿百井舊汰牙門將僑

高者千人窮而思亂皆廩之于官使巡行街衢守臺護倉均有所事內間不得發外來者輒爲邏騎所得由是關門守完乃遣世龍督步騎兵萬五千人援令遊擊祖可法等率騎兵四營西戍撫寧三年正月大壽入關謁承宗親軍五百人甲而候于門承宗開誠與語即日列其所統步騎三萬於教場行誓師禮羣疑頓釋時我

大清已拔遵化而守之是月四日拔永平八日拔遷安遂下灤州分兵攻撫寧可法等堅守不下

大清兵遂向山海關離三十里而營副將官惟賢等力戰乃還攻撫寧及昌黎俱不下當是時京師道梗承宗大壽軍在東世龍及四方援軍在西承宗募死士沿海達京師始知關城尙無恙關西南三縣曰撫寧昌黎樂亭西北三城曰石門臺頭燕河六城東護關門西繞永平皆近關要

氏姓譜

卷四十四

十三元

孫氏

九

地承宗飭諸城嚴守而遣將成開平復建昌聲援始接方京師戒嚴天下勤王兵先後至者二十萬皆壁於薊門及近畿莫利先進詔旨屢督趣諸將亦時戰攻然莫能克復世龍請先復遵化承宗曰不然遵在北易取而難守不如姑留之以分其勢而先圖灤今當冬爲聲勢示欲圖遵之狀以牽之諸鎮赴豐潤開平聯關兵以圖灤得灤則以開平兵守之而騎兵決戰以圖永得灤永則關永合而取遵易易矣議既定乃令東西諸營並進親詣撫寧以督之五月十日大壽及張春邱禾嘉諸軍先抵灤城下世龍及尤世祿吳自勉楊麒王承恩繼至越二日克之而副將王維城等亦入遷安我

大清兵守永平者盡撤而北還承宗遂入永平十六日諸將謝尙政等亦入遵化四城俱復帝爲告謝郊廟大行賞

賈加承宗太傅賜蟒服白金世襲錦衣衛指揮僉事力辭
太傅不受而屢疏稱疾乞休優詔不允榮顏東不的反覆
承宗令大將王威擊敗之復賈銀幣先以冊立東宮加太
保及神宗實錄成加官亦如之並辭免而乞休不已帝命
閣臣議去留不能決特遣中書齋手詔慰問乃起視事四
年正月出關東巡抵崧山錦州還入關復西巡徧閱三協
十二路而返條上東西邊政八事帝咸採納五月以考滿
詔加太傅兼食尚書俸廕尚寶司丞賈蟒服銀幣羊酒復
辭太傅不受初右屯大凌河二城承宗已設兵戍守後高
第來代盡撤之二城遂被毀至是禾嘉巡撫遼東議復取
廣寧義州右屯二城承宗言廣寧道遠當先據右屯築城
大凌河以漸而進兵部尚書梁廷棟主之遂以七月興工
工甫竣我

氏姓譜

卷四十四

十三元

孫氏

十

大清兵大至圍數周承宗聞馳赴錦州遣吳襄宋偉往救
禾嘉屢易師期偉與襄又不相能遂大敗於長山至十月
城中糧盡援絕守將祖大壽力屈出降城復被毀廷臣追
咎築城非策也交章論禾嘉及承宗承宗復連疏引疾十
一月得請賜銀幣乘傳歸言者追論其喪師辱國奪官開
住并奪寧遠世廕承宗復列上邊計十六事而極言禾嘉
軍謀牴牾之失帝聞報而已家居七年中外屢請召用不
報十一年我

大清兵深入內地以十一月九日攻高陽承宗率家人拒
守

大兵將引去繞城納賊者三守者亦應之三曰此城笑也
於法當破圍復合明日城陷被執望闕叩頭投緘而死年
七十有六子舉人鈔尚寶承鑰官生鋪生員鎔鑄從子鍊

及孫之沆之滂之滢之洁之德從孫之澈之漾之泳之澤之渥之澗皆戰死督師中官高起潛以聞帝嗟悼命所司優卹當國者楊嗣昌薛國觀輩陰扼之但復故官予祭葬而已福王時始贈太師諡文忠

孫太從宋忠征懷來先登頗斬獲靖難兵擇善射者竝射太中矢流血被甲慷慨裹血力戰奮呼陷陣死之

孫宣承樂中知鞏昌府仁恕端恪役均刑省吏民畏愛宣德初官滿當去民上章乞留復任政績益著

孫子夏海寧人永樂進士入翰林爲庶吉士與修永樂大典擢兵部郎中歷陞山東參政所著有螺城集子璋潯州知府

孫芝字廷秀連江人宣德中以國子生授慶都縣知縣陞沔陽州知州時有建議欲刪削孟子書者芝上疏極論以

爲不可其議遂不行

卷四十四

十三元

孫氏

十一

孫瓊字蘊章崑山人正統進士授刑部主事陞郎中時錦衣指揮門達用苛刻羅織人罪法司承望風旨往往死非命瓊多所平反太監牛玉養子犯法囑瓊瓊不少貸由是積怨於他事連坐謫戍遼陽成化初復職乞歸年近四十家居篤於禮度終日端坐所居朴陋人不能堪處之裕如孫洪字伯大昌邑人景泰間舉進士初授兵部主事奉敕選調兩廣官軍征勦陞郎中會中宮崩喪禮一從擬議累遷山西參政以南陽流逋改敕河南撫之甫定陞本司右布政使疏汴河人免墊溺尋陞副都御史賑撫流民咸得其宜

孫文原字宗道慈谿人經明行修母王氏沒時授經於崇德間訃不限晝夜徒步而歸哀毀骨立父嵩病泄痢文原

嘗糞甜知不可生顛哭求代剖股肉以進疾遂愈文原孝
心純至惟恐人知或見其股痕卽掩覆曰嘗病瘡迨領鄉
薦官都昌輒號哭曰祿不逮養食寧下咽邪清德懿行人
多稱之

孫紘浙江鄞縣人宏治進士先任御史剛正不阿以事忤
權貴謫判膠州尋陞廣德知州不事威力嚴禁盜賊一境
肅然故民有八詠曰部民安堵郡懷仁烏參公座鶴產
譙樓雛鶴生白潢水澄清庭無留訟歲有大秋至今論賢
守者云孫公

孫瑜字孟秀刑臺人登進士授刑部主事歷員外郎中陞
開封知府開封素號繁劇瑜處之有法不以爲勞持已有
冰蘖聲及卒至無斂具巡撫檄所司辦之且爲營孤孀費
行貯順德府庫俟其子成立給之

氏姓譜

卷四十四

十三元

孫氏

十一

孫宏賦字以賡四川資縣人嘉靖乙未進士歷浙江海道
副使才猷練達政體簡嚴務持大體不事小苛

孫冕字文中德化人正德間由貢士授通州學訓導少爲
李夢陽所重文章醞藉尤善討論在任凡所感遇多形於
詩所著有北通備遺稿有和李西涯春興八首其一曰竹
垣向裏闢新池徑曲門遷去每遲鳥弄落花人未到魚吹
新荷月先知天邊客夢何時醒江上歸舟此日移喚起巢
由作賓主不知身在帝堯時爲人所贈炙

孫適字孟博錢塘人博覽羣集有詩名孝親友弟弟迪官
禮部沒適躬往扶柩還塋以一子嗣其後少與翰林王洪
善洪家貧親老祿薄不給適周之終始弗渝善行草尤精
於素問鍼灸術人有疾輒愈之而未嘗責其報隱居甘泉
里號曰東巖老人有東巖老人集子莫監察御史卒於官

孫伯堅洪武間爲四川左參政持政寬平不事苛察吏民德之後爲國子博士檢校刻石經

孫佐宏治中任廬州府學教授性敦厚寡言笑授生徒以經學寒暑不倦有貧乏者分俸周之

孫世巢縣人少有勇力屢立戰功洪武初爲中軍都督府僉事卒贈都督同知追封雷春侯諡忠勇

孫衍華亭人成化戊戌進士歷官延平知府清介自持吏民不威而治治郡爲八閩之首後知宿松縣廉介嚴肅百廢興舉鋤強扶弱民賴以安田地多荒而出有常賦衍奏免之去後見思

孫植生平峻潔父子貌美爲光祿卿矢心區畫絕司禮尙膳之餽遺宮中以爲鐵人

孫登賡字于玉文祥之子性敏嗜學博貫子史文詞雅馴氏姓譜

卷四十四

十三元

孫氏

三

尤工楷書著有四書家訓集義因力學而得疾早逝

孫東陽新建人布衣以理學著聞崇祀本學鄉賢祠

孫璋正德間南昌知縣孤介立身和緩應事時宸濠肆虐

政多掣肘璋維持調護保全一邑濱江田多沙塞入覲疏豁沙米八百石以蘇民困三年政平訟理民至今稱之

孫世祐豐城人由進士授行人歷員外僉憲藩參至都御

史巡撫雲南先是土官豪恣禍變相踵世祐約黔徒緝奸猾諸難悉平陞工部侍郎修葺城隍時倭夷江寇并起卒恃以無恐召拜刑部尙書致仕卒世稱爲長者云

孫元仁洪武中商水縣丞導民以德不尙刑罰尤興學課

農能登籍籍有兄弟爭田以言化遂感泣相讓由是政化

大行

孫遇以楊溥薦任徽州知府興學勤農均徭恤獄植善鋤

強丁內艱民奏留之有詔起復尋以外艱去服闋復除守
徽在郡二十年善政不可勝紀及去民立生祠祀之沒後
士民奏行有司春秋致祭

孫昇廣德人由進士任監察御史公勤廉慎才能著稱後
遷遼府左長史

孫迪宣德中武陟縣丞以積著陞陳留知縣比去民爲留
靴懸諸治門以識不忘

孫麟洪武未知連城縣尊賢下士招徠逋逃自奉日蔬食
而已卒于官邑人哀慕之

孫毓武陟人初登洪武丙子科鄉舉後代祖父行戊十有
四年居母喪廬墓三年躬負磚土築爲墳臺高丈五許年
九十詔賜冠帶凡百齡而卒

孫伯恭洪武中歷官武庫員外郎以薦陞四川左參政寬
氏姓譜 卷四十四 十三元 孫氏 齒

平不苛吏民德之累至鴻臚寺左少卿

孫仁新淦人登成化己丑進士歷刑曹審錄湖襄多所平
反知常州府力抗權閹陞浙江參政陝西布政右副都御
史巡撫寧夏修城垣備士卒邊鄙賴焉致仕卒賜祭葬

孫治清江人成化辛丑進士知臨淮縣守已愛民興學作
士時權閹汪直陳廣以選如責貢繼至所在需索動以干
計治持正不阿竟爲二宦所中改安東遂棄官歸士類高
之所著有鳴春集

孫公與泰和知縣持已簡嚴處事明白雖百務叢脞而剖
折不少素久之公庭晏然數吏旁拱而已

孫改宣德間同知漢陽府博學能文爲政公平廉慎雖當
煩劇而裁處雍容務從寬惠吏不忍欺

孫儼正統間福建按察司僉事剛正有爲淫祠與寺觀之

私創者悉毀之凡法所在權貴莫能撓

孫繼芳字世真華容人正德辛未進士授主事陞兵部員外諫武廟南巡廷笞不死改職方歷雲南提學副使致仕歸性慷慨激烈當其氣所欲言雖萬乘勿畏也

孫緒洪武中爲饒陽知縣均賦役清刑罰以廉能稱縣人懷惠

孫敬真定人正統中知太原府值已已多事規畫有方民不知擾後致仕卒于家

孫忱景泰間知沐陽縣濟寬以猛教民立學務農敦本尙儉訟簡盜息民賴以安

孫孟和正德中知滑縣時流賊倡亂圍城孟和誓衆堅守城得不破擢監察御史百姓去而思之

孫逢慶桂陽人洪武十八年以經明行修薦任本學訓導

氏姓譜

卷四十四

十三元

孫氏

五

有聲九載考滿改永寧宣撫司學訓導永樂二年奉勅合取回復任本學訓導又歷九載考滿改袁州府學訓導卒于官

孫春芳揭陽人萬歷間知華容縣值歲歉春芳請罷徵歛復請移旁郡粟親歷窮鄉散之旋論調去百姓惜焉

孫應龍洪武初瀘溪主簿苗佬侵掠應龍深入招撫諭以恩信苗衆懷服縣令以其事聞遂開鎮溪千戶所陞爲鎮撫安息苗夷輯寧邊遠

孫圓湘陰人父輔爲河泊使天順三年飢縣檄輔偕富民借粟圓年十二隨輔至袁某家被盜執輔將殺之圓以身

翼父厲聲罵賊賊怒刺圓中喉死輔得免

孫存滁州人嘉靖中由禮部郎出爲長沙知府清操特立留心庠序課士必親加品題修嶽麓書院及敬一亭請置

山長臧御書以勵士風定藩田租銀民永賴之

孫泰禮陵人知銅梁適山寇攻城泰率士民固守城賴以完歲飢賑活甚衆鄰邑有爭訟者皆來質泰遷御史居官十年止一僕負囊橐歸

孫宜字仲可繼芳子也爲文千言立就舉於鄉以父喪哭泣損目遂不復會試自號洞庭漁人構亭著書典至把筆書所爲詩奇異飛動著詩三四百卷

孫斯億字非儒宜子也七歲能賦詩年十四爲諸生事祖母及母以孝聞著述自任隱元石山中充然自得學使董其昌稱之曰德範如太邱豪俠如朱游云

孫羽侯字鵬初斯億子也萬歷己丑進士授翰林庶吉士歷禮刑二科神宗詰責臺省罷科道官四十人羽侯與焉里居閉戶著書崇正月初祀鄉賢

氏姓譜

卷四十四

十三元

孫氏

六

孫穀字子穉華容人羽侯子也萬歷丁未進士授杭州推官累遷副都御史巡撫遼東以病告歸孫氏自繼芳至穀五世皆以文章顯著弟穀亦有文名

孫樂庵採藥商山常于市化得柴薪運積邑東南崇國寺後山之巔一日坐柴薪中吐火化身火焰閃爍合掌端凝肺肝燎灼後有遇于塗者蓋已脫去也

孫象乾字健甫休寧人選貢生崇正中以功封長沙湘陰巡道僉事落官八月過韶山愛其風景遂棄官卜居其下孫應鰲字山甫楊州人由翰林補湖廣方伯巡撫鄖陽慕

蔣氏正學每入里淹留開講桃園之側買田宅一區投老會還籍展墓卒于家

孫亮作琉璃屏風甚薄而瑩澈每于月下清夜舒之嘗與愛姬四人皆振古絕色一名朝姝二名麗居三名洛珍四

名潔華使四人坐屏風內而外望之如無隔惟香氣不逼於外爲四人合四氣香殊方異國所出凡經踐躡宴息之處香氣沾衣歷年彌盛百洗不歇因名曰百濯香或以人名香故有朝姝香麗居香浴珍香潔華香所居室名爲思香媚寢

孫作字大雅江陰人爲文醇正典雅動有據依嘗著書十二篇號東家子宋濂爲作東家子傳元季挈家避兵於吳盡棄他物獨載書兩篋張士誠廩祿之旅以母病謝去客松江衆爲買田築室居焉洪武六年聘修大明日歷授翰林編修乞改太平府教授召爲國子助教尋分教中都踰年還國學擢授司業歸卒於家

歷代列女

孫氏權之妹權以妹妻劉先主才健剛猛有諸兄風有題

氏姓譜

卷四十四

十三元

孫氏

七

先主廟云元德當年婿仲謀並緣瓜葛得荊州男兒若假裙襦力卒世如何得舉頭

孫氏孫堅之妹徐璠之母也璠少任州郡漢末擾亂去吏隨堅征伐有功拜偏將軍堅薨隨孫策討樊能于麋等於橫江擊張英於當利口而船少欲駐軍更求璠母時在軍中謂璠曰恐州家多務水軍來逆人則不利矣如何可駐邪宜伐蘆葦以爲泅佐船渡軍璠具啟策策卽行之衆悉俱濟遂破英擊走窄融劉繇事業克定策表現領丹陽太守會吳景委廣陵來東復爲丹陽守璠以督軍中郎將領兵從破廬江太守李術封廣德侯遷平虜將軍後從討黃祖中流矢卒

孫氏虞潭母也吳郡富春人孫權族孫女也初適潭父忠恭順貞和甚有婦德及忠亡遺孤藐爾孫氏雖少誓不改

節躬自撫養劬勞備至性聰敏識鑒過人潭始自幼童便訓以忠義故得聲望克洽爲朝廷所稱永嘉末潭爲南康太守值杜弼構逆率衆討之孫氏勉潭以必死之義傾資產以餽戰士潭遂剋捷及蘇峻作亂潭時守吳興又假節征峻孫氏戒之曰吾聞忠臣出孝子之門汝當捨生取義勿以吾老爲慮也仍盡發其家僮令隨潭助戰質其所服環珮以爲軍資於時會稽內史王舒遣子允之爲督護孫氏又謂潭曰王府君遣兒征汝何爲獨不潭卽以子楚爲督護與元之合勢其憂國之誠如此拜武昌侯太夫人加金章紫綬潭立養堂於家王導以下皆就拜謁咸和末卒年九十五成帝遣使弔祭諡曰定夫人

孫氏平原劍縣女也名男玉夫爲靈縣民所殺男玉追執讎人欲自殺之其弟止而不聽男玉曰女人出適以夫爲氏姓譜

卷四十四

十三元

孫氏

十六

天當親自復雪云何假人之手以杖毆殺之有司處死以聞顯祖詔曰男女重節輕身以義犯法緣情定罪理在可原其特恕之

孫氏女河間人父病癩十年女吮其膿血旬月而愈有司詔加褒美

孫氏名寒華吳人孫奚之女也修道吳越諸山間十餘年仙去

孫氏常侍宏女也許邁妻邁聰敏好道乃遣孫氏還家爲書謝絕之孫答書愚下不才侍執巾櫛榮華福祿相與共之如何君子篤其大義輕見斥逐若以遐曠非婦人所便昔梁鴻陟嶺孟光是攜蕭史登臺秦女不舍衛氏修義夫婦同行老萊逃谷伉儷俱逝豈非嘉遁之舉者

孫氏名太直錢俶妃聰慧好學通毛詩魯論之義性儉約

徵征昆陵孫氏守國遭丙侍撫問將士勞苦周恤其家中
外畏如奉王焉

孫氏張齊賢母封晉國夫人年八十餘上歎其福壽曰婆
婆老福厚加賜賚手詔存問稽神樂之

孫氏婦國鑑之妻唐氏唐適國鑑期年鑑歿遺腹生子文
祥唐年十七斷指矢志當事旌曰雪柏霜松

孫氏婦文祥之妻涂氏夫妻相敬不啻節缺文祥早喪涂
青年守義孝姑教子以節孝聞

孫氏名瑞方黃岩人適陳堯還未幾堯還卒孫年二十三
泣血絕粒旬日而卒

孫氏劉三錫妻三錫死孫年十六送殯行至河畔魂幡中
斷颺揚數至忽而復續越七日舉遺腹子應昌未幾翁歿
姑病孫刲股和粥以進昏憤中若有神告者上帝憐汝爲

氏姓譜

卷四十四

十三元

孫氏

七

孝婦特延汝姑壽一紀姑愈應昌亦成立

孫氏張宗惠妻平陽人知書能文年二十四宗惠病篤謂
孫曰得毋有異志乎孫哽咽指出血爲誓夫歿侍姑疾
經年靡間有讒于姑終不一辨第刺臂焚香以自訟姑卒
感悟嘗有詩曰良人夢入九泉深妾在清河守至今夜兩
青燈孤枕淚秋風素節百年心不圖丹詔沾名譽誓作哀
詞苦自吟白玉無慚冰雪裏愁看明月幾升沉

孫夫人先覺母也正月四日丙子時年八十詩云冀開四
葉瑞新春瓦弄幽閨應此辰蛇虺夢中祥女子鳳凰占裏
吉佳人平生不負三從義老去兼全五福身他日奇兒亦
黃髮捧燭猶能壽慈親

孫氏諸生陳尙俊妻俊讀書功苦成疾氏侍湯藥惟謹毀
容籲天願以身代及俊死氏年二十三泣從死者數四遣

孤一燦在襁褓父母慰諭以育孤爲重氏遂閉戶縞素終身六十餘年如一日年九十子燦將會宗戚爲母壽氏泣曰未亡人雖生猶死何以壽爲閉戶不出御史題旌其門孫氏八里州人素悍一日有道人募食孫予之若有秘語狀旣去孫忽發狂每夜大呼夫厥甚欲擊之孫覺抱一雄雞飛騰如雲至小八里巖壁上往來如登平地雞鳴啼不已夫至視之大叫曰爾去孫娘娘不食人閒烟火若不相忘于丁巳年八月十五日取我骸骨于此言訖不見至今露匣一半風雨不壞

孫氏婦孫楚妻也楚以妻亡至祥日乃爲詩以悼之以示王武子武子見其文曰未知文生於情情生於文覽之悽然增伉儷之重

孫氏婦字環富春人孫彥妻也未及嫁而彥亡環少厲令

氏姓譜

卷四十四

十三元

孫氏

三

節服膺道教逮適孫氏恪居婦職宗姻有聲奉禮未周彥母亦喪環率禮奉終抗義明節傾場私產以供塋送禮服旣闕或勸其改醮誓而不許

孫氏樂昌人進士孟昌期妻善爲詩一但併焚其集以爲才思非婦人之事自是專以婦道內治有代夫贈人白蠟燭詩曰景勝銀釭香比蘭一條白玉逼人寒他時紫禁春風夜醉草天書仔細看又有閨琴詩曰玉指朱絃軋復清湘妃愁怨最難聽初疑颯颯涼風動又似蕭蕭暮雨零近若流泉來碧嶂遠如元鶴下青冥夜深彈罷堪惆悵霧濕叢蘭月滿庭又謝人送酒詩曰特將清酒寄愁人澄澈甘香氣味真好是綠窗風月夜一杯搖蕩滿懷春

孫氏陳紀妻紀故氏年二十守節不變至六十餘卒有諡旌表教諭顧章贊曰典常人紀克植於躬備嘗艱苦壽考

而終勁竹高松凜乎其節璞玉堅冰瑩焉其潔

孫烈女五河人性貞靜不苟嬉笑母朱卒繼母李攜前夫子鄭州兒來州兒恃母欲私女嘗以手挑之忿批其頰一日女方治麪州兒從後撲之女揪髮覓刃州兒嚙其臂得必刃之而後死姊曲撫慰乃以臂痕示李使戒賊之州兒不悛給李曰兒探薪臂力不勝置遺束于路李往取之歸則尸扁甚嚴從母舒氏亦趨至曰初聞如小犢悲鳴繼又響震如雷必有異并力啟之州兒死闕下項幾斷女亦倚壁死蓋州兒誑母出調女女陽諾而使之閉門既躡其後殺之也

孫氏甌寧人幼解經史字吳廷桂廷桂死孫欲奔喪家人止不得父為命與曰奔喪而與可乎入夜徒步往挾納采

氏姓譜

卷四十四

十三元

孫氏

三

雙金雀以見舅姑拜畢奠榭側遂不離次期必死吳家故貧所治棺取具而已好事者助以美價孫視之曰木以美逾吾夫非禮矣卻之以櫬櫬來乃許屆期緘死書衣帶中云男毋附尸女毋啟衣

孫氏婦登貴之妻夫早喪甘貧守節課子朝聖有聲庠序孫曾蕃衍皆有文名人以婦姑周氏與祖姑唐氏三世積累之報詔賜建坊旌表門閭

孫氏桐城人錢時妻也時用刑部主事有罪當刑孫與之訣拔髮為縷繫臂自矢時死有詔問死者之婦安歸孫伏地請曰臣有寡姑願賜不死歸養許之乃載時骸骨以歸七月乃生遺腹子惠守節四十二年七十而卒

孫氏豐城庶吉士周懋昭妻也年二十適懋昭越三載而昭卒于官遺腹生子仁誓不再嫁

孫氏新建人金日榮妻也年二十二榮故長子應輝三歲次應隆甫八月孫勵志守節貧苦萬狀績緝以教其孫孫名銑第進士官知府嘉靖三十六年受旌表

孫氏浮梁人鄉進士閔鳳妻鳳疾孫籲天以身代既死哀幾絕有司屢欲闈孫止之曰此分內事何必乃爾石室潘察贊其像有百年苦節一掬寒冰不求表暴真節婦之語

孫氏青城人陳策妻正德六年流賊入境策守東門拒敵死之孫收其屍悲號不食居數日自縊死合葬焉事聞詔旌之

孫氏濟寧州人錢官保妻年十九夫沒於軍骸骨歸孫卽自縊死正統十一年旌表之

孫氏恩縣人李資妻也宏治元年夫卒孫觸牆而死旌表孫氏萊陽人楊芳妻也芳舉鄉試卒孫爲守節成化十年

氏姓譜 卷四 十三元 孫氏 三

旌表之

孫氏陽武人陳子英妻子英充飛虎衛小旗洪武初征迤

北金山謂孫曰吾生死未可知幸有二弱息汝肯撫育乎

孫氏曰君但盡忠報國吾母子毋煩憂也子英果死于戰

父母欲奪其志孫泣曰吾不忍背夫而生卽欲自盡父母懼乃止

孫氏永寧人趙三妻性貞一年二十三一子甫三歲夫病

且劇嗚孫曰幼兒無可托者汝能撫之令成立乎孫氏感

其言誓死靡他孀居三十五年清白無玷永樂初旌表之

孫氏南宮人御史孟著妻也著卒氏年二十撫子以慈矢

志靡他始終一節事聞宣德五年詔旌表之

孫氏趙和妻和爲府軍千戶永樂六年征安南卒于軍氏

年二十四守節養姑育子輝後爲都尉天順間守臣以聞

旌表其門

孫氏海州人潘裕妻也年二十有八夫喪越月始生一子
養老守孤守節四十餘年去治中旌表

孫氏儀真衛人適張彥銘銘沒孫年二十二男甫四月嫂
勸其改適孫氏不從守志三十年宣德三年奉詔旌其門
孫氏孫敏女嫻于吟咏適郭彥節籍太醫沒都門氏扶柩
歸葬年二十七爲海棠白頭烏詩云峽蝶風前粉翅低黃
鸞柳畔破烟啼春光未老頭先白莫向海棠枝上栖正統
四年旌表之

孫氏諸生易無涵妻氏年二十夫亡斷髮破面誓不他適
子之興一十五歲刲股救寡母奉旨旌坊曰母貞子孝
孫氏新化人蕭廷裕妻也廷裕死遺孤半歲氏誓堅守伯
叔屢諷改適遂割髮明志孀居六十三年卒

氏姓譜

卷四十四

十三元

孫氏

三

孫氏華容人毛九卿妻九卿家世中衰孫脫羅衣操井臼
躬織維以應逋負無子爲九卿納妾生子九卿卒撫孤成
立守節三十餘年

孫氏缺永聰妻年二十四夫亡戚里以貧而無子諷之氏
斥之曰吾不爲禽獸行也遂翦髮誓志苦節五十六年卒
孫氏衡陽人彭某妻獻賊寇衡陽氏匿複壁中賊欲曳氏
出拒不從賊斷其手氏罵不止賊怒以戈擲之死壁中

孫氏寧遠人千戶黃文妻也年二十一生子鳳方九日夫
沒刻苦守節撫子成立襲職副千戶

孫氏名妙吉山陰農家女也適同里吳善慶善慶死孫尙
艾無子鄰邑有謀爲婚者乃厚賂其尊長令奪而嫁之孫
知之給以供佛飯僧爲亡夫福始行具齋乃沐浴更衣禮
佛甚恭頃之竟走夫墓自溢死

孫氏汪永錫之妻也永錫家故貧傭人賣餅爲業娶孫氏數年永錫病療及病革匍伏據床語孫曰吾病久賴子以迄於今願天授嘉耦以答子勞吾不能報子矣孫氏痛哭曰君卽不諱竊計必大事畢而後從君嗟乎君言貳妾矣九原不察寧詎能明其不貳邪妾寧早決以信君心無問後事永錫執孫手曰子言及此我無他腸子姑待我永錫兄永祥無賴人也宣言曰彼何能死卽病者死必嫁之孫遂飲藥先永錫十日死蓋嘉靖己丑冬十月上旬云

孫義婦慈谿人歸定海黃誼昭生子潛未幾夫卒孫育之成立求兄女爲配甫三年生二子潛亦卒時田賦皆令民自輸孫姑婦相率攜幼子輸賦南京訴尙書蹇義言縣苦潮患十年九荒乞築海塘障之義見其孤苦詰曰何爲不嫁對曰餓死事極小失節事極大義嗟歎久之次日卽爲奏請遣官偕有司相度成之起自龍山迄於觀海永免潮患慈谿人廟祀之塘上

氏姓譜

卷四十四

十三元

孫氏

十四

孫氏吳縣衛廷珪妻也隨夫商販寓潯陽小江口寧王陷九江廷珪適他往所親急邀孫共逃孫謂兩女金蓮玉蓮曰我輩異鄉人汝父不在逃將安之今賊已劫鄰家矣奈何女曰生死不相離要當爲父至此身耳於是母子共一長繩自束赴河死

孫氏奉化人邑庠生項斯猷妻工部主事孫能傳女斯猷以應試卒於武林止遺二女氏年二十五聞變自誓卽營同穴育二女長成出嫁立繼子鵬舉爲嗣氏曰吾事畢矣卒年五十歲

孫氏千戶孫鳳女適左所仁壽坊楊文試年十九文試亡孫未有所出自誓守志繼母隣其少託所親以微意諷之

女泣曰以一身而屈事二夫非婦道也寧忍自失以累父母况翁姑老矣夫之弟尙幼更委誰邪聞者嘆異後以禮安葬翁姑爲叔娶婦曰今而後吾可見吾夫於地下矣族人甚敬重之萬歷二十八年兩院會奏奉旨建貞節坊旌銀三十兩

孫氏鄉人舒政魁妻婚甫期月夫亡無出年方二十服喪盡哀人憐其少勸之改嫁輒悲泣斥之誓死無他壽六十而卒

孫氏奉化北山劉檉妻二十三歲夫亡守節年八十四縣令樊公穀旌其門題曰義門孀節

孫氏蕭山人許聘葉氏未幾葉氏子病篤將不起孫卽潛製殮具囑父母令納葉棺尋忽自盡時守浮梁戴珊瑚躬臨其家以旌異之

氏姓譜

卷四十四

十三元

孫氏

五

袁氏

出自媯姓陳胡公滿生申公犀侯犀侯生靖伯庚庚生季子惛惛生仲牛甫甫生聖伯順順生伯他父他父生戴伯戴伯生鄭叔鄭叔生仲爾金父金父生莊伯莊伯生諸字伯爰孫宣仲濤塗賜邑陽夏以王父字爲氏宣仲生選選生聲子笑笑生惠子雅雅生頰奔鄭秦末裔孫告辟難居于河洛之間少子政以袁爲氏九世孫袁生生元孫幹封貴鄉侯復居陳郡陽夏八世孫良二子昌璋昌成武令生漢司徒安字邵公三子賞京嶺京蜀郡太守二子彭湯湯字仲和太尉安國康侯三子成逢隗成左中郎生紹紹中子熙其後世居樂陵東光熙裔孫令喜璋生司徒滂字公熙滂生渙字曜卿魏御史大夫四子侃寓奧準準字孝尼晉給事中生冲字景元光

祿勳生耽字彥道歷陽太守耽生質字道和東陽太守
二子湛豹豹字士蔚丹陽尹二子洵湛洵宋吳郡太守
諡曰貞二子顓覬覬字國章宋雍州都督二子馘昂又
河東袁氏本出陳郡智宏相唐高宗其後也

歷代名賢

馬

袁克陳人事陳哀公哀公三十五年公縊死而楚滅我克
殺馬毀玉以葬楚人將殺之克請寘馬玉不用既又請私
私于幄加經于頽而逃

袁安字邵公汝南汝陽人也祖父良習孟氏易平帝時舉
明經爲太子舍人建武初至成武令安少傳良學爲人嚴
重有威見敬於州里初爲縣功曹奉檄詣從事從事因安

氏姓譜

卷四十四

三三元

袁氏

云

致書於令安曰公事自有郵驛私請則非功曹所持辭不
敢受從事瞿然而止後舉孝廉除陰平長任城令所在吏
人畏而愛之永平十三年楚王英謀爲逆事下郡覆考明
年三府舉安能理劇拜楚郡太守是時英辭所連及繫者
數千人顯宗怒甚吏案之急迫痛自誣死者甚衆安到郡
不入府先往案獄理其無明驗者條上出之府丞掾史皆
叩頭爭以爲阿附反虜法與同罪不可安曰如有不合太
守自當坐之不以相及也遂分別具奏帝感悟卽報許得
出者四百餘家歲餘徵爲河南尹政號嚴明然未曾以賊
罪鞠人常稱曰凡學仕者高則望宰相下則希牧守銅人
於聖世尹所不忍爲也聞之者皆感激自勵在職十年京
師肅然名重朝廷建初八年遷太僕元和二年武威太守
孟雲上書北虜既已和親而南部復往抄掠北單于謂漢

欺之謀欲犯邊宜還其生口以安慰之詔百官議朝堂公卿皆言夷狄譎詐求欲無厭旣得生口當復妄白誇大不可開許安獨曰北虜遣使奉獻和親有得邊生口者輒以歸漢此明其畏威而非先違約也雲以大臣典邊不宜負信于戎狄還之足示中國優貸而使邊人得安誠便司徒桓虞改議從安太尉鄭宏司空第五倫皆恨之宏因大言激勵虞曰諸言當還生口者皆爲不忠虞廷叱之倫及太鴻臚韋彪各作色變容司隸校尉舉奏安等皆上印綬謝肅宗詔報曰久議沈滯各有所志蓋事以議從策由衆定閭閻衍衍得禮之容寢嘿抑心更非朝廷之福君何尤而深謝其各剋履帝竟從安議明年代第五倫爲司空章和元年代桓虞爲司徒和帝卽位竇太后臨朝后兄車騎將軍憲北擊匈奴安與太尉宋由司空任隗及九卿詣朝堂

氏姓譜

卷四十四

十三元

袁氏

七

上書諫以爲匈奴不犯邊塞而無故勞師遠涉損費國用微功萬里非社稷之計書連上輒寢宋由懼遂不敢復署議而諸卿稍自引止惟安獨與任隗守正不移至免冠朝堂固爭者十上太后不聽衆皆爲之危懼安正色白若竇憲旣出而弟衛尉篤執金吾景各專威權公於京師使客遮道奪人財物景又擅使乘驛施檄緣邊諸郡發突騎及善騎射有才力者漁陽鴈門上谷三郡各遣吏將送詣景第有司畏懼莫敢言者安乃劾景擅發邊兵驚惑吏人二千石不待符信而輒承景檄當伏顯誅又奏司隸校尉河南尹阿附貴戚無盡節之義請免官案罪竝寢不報憲景等日益橫盡樹其親黨賓客於名都大郡皆賦歛吏人更相賂遺其餘州郡亦復望風從之安與任隗舉奏諸二千石又它所連及貶秩免官者四十餘人竇氏大恨但安隗

素行高亦未有以害之時竇憲復出屯武威明年北單于爲耿夔所破遁走烏孫塞北地空餘部不知所屬憲曰矜已功欲結恩北虜乃上立降者左鹿蠡王阿佟爲北單于置中郎將領護如南單于故事事下公卿議太尉宋由太常丁鴻光祿勳耿秉等十人議可許安與任隗奏以爲光武招懷南虜非謂可永安內地正以權時之算可得捍禦北狄故也今朔漠旣定宜令南單于反其北庭并領降衆無緣復更立阿佟以增國費宗正劉方大司農尹睦同安議事奏未以時定安懼憲計遂行乃獨上封事詔下其議安又與憲更相難折憲險急負勢言辭驕訐至詆毀安稱光武誅韓歆戴涉故事安終不移憲竟立匈奴降者右鹿蠡王於除韃爲單于後遂反叛卒如安策安以天子幼弱外戚擅權每朝會進見及與公卿言國家事未嘗不噫鳴

氏姓譜

卷四十四

十三元

袁氏

三

流涕自天子及大臣皆恃賴之四年春薨朝廷痛惜焉後數月竇氏敗帝始親萬機追思前議者邪正之節乃除安子賞爲郎策免宋由以尹睦爲太尉劉方爲司空睦河南人薨於位方平原人後坐事免歸自殺初安父沒母使安訪求葬地道逢三書生問安何之安爲言其故生乃指一處云葬此地當世爲上公須臾不見安異之於是遂葬其所占之地故累世隆盛焉安子京敞最知名

袁京字仲譽習孟氏易作難記三十萬言初拜郎中稍遷侍中出爲蜀郡太守京子彭

袁敞字叔平少傳易經教授以父任爲太子舍人和帝時歷爲將軍大夫侍中出爲東郡太守徵拜大僕光祿勳元初三年代劉愷爲司空明年坐子與尙書郎張俊交通漏泄省中語策免敞廉勁不阿權貴失鄧氏旨遂自殺張俊

者蜀郡人有才能兄龕竝爲尙書郎年少勵鋒氣郎朱濟
丁盛立行不修俊欲舉奏之二人聞恐因郎陳重雷義往
請俊俊不聽因共私賂侍史使求俊短得其私書與儻子
遂封上之皆下獄當死俊自獄中占獄吏上書自訟書奏
而俊獄已報廷尉將出穀門臨行刑鄧太后詔馳騎以減
死論俊假名上書謝朝廷由此薄儻罪而隱其死以三公
禮葬之復其官子盱盱後至光祿勳時大將軍梁冀擅朝
內外莫不阿附唯盱與廷尉邯鄲義正身自守及桓帝誅
冀使盱持節版其印綬

袁彭字伯楚少傳父業歷廣漢南陽太守順帝初爲光祿
勳行至清爲吏羸袍糲食終於議郎尙書胡廣等追表其
有清潔之美比前朝貢禹第五倫未蒙顯贈時皆嗟歎之
袁湯字仲河彭弟也少傳家學諸儒稱其節多歷顯位桓

氏姓譜

卷四十四

十三元

袁氏

元

帝初爲司空以議議定策封安國亭侯食邑五百戶累遷
司徒太尉以災異策免卒諡曰康侯湯長子成左中郎早
卒

袁逢字周陽湯次子也以累世三公子寬厚篤信著稱於
時靈帝立逢以太僕豫議增封三百戶後爲司空卒于執
金吾朝廷以逢嘗爲三老特優禮之賜以珠畫特詔秘器
飯含珠玉二十六品使五官中郎將持節奉策贈以車騎
將軍印綬加號特進諡曰宣文侯子基嗣位至太僕

袁隗字次陽逢弟也少歷顯官先逢爲三公時中常侍袁
赦隗之宗也用事於中以逢隗世宰相家推崇以爲外援
故袁氏貴寵於世富奢甚不與它公族同獻帝初隗爲太
傅成子紹逢子術董卓忿紹術皆已遂誅隗及術兄基等
男女二十餘

袁閔字夏甫彭之孫也少勵操行苦身修節父賀爲彭城相閔往省謁變名姓徒行無旅旣至府門連日吏不爲通會阿母出見閔驚入白夫人乃密呼見旣而辭去賀遣車送之閔稱眩疾不肯乘反郡界無知者及賀卒郡閔兄弟迎喪不受賻賻緘扶柩冒犯寒露體貌枯毀手足血流見者莫不傷之服闋累徵聘舉召皆不應居處側陋以耕學爲業從父逢隗並貴盛數饋之無所受閔見時方險亂而家門富盛常對兄弟歎曰吾先公福祚後世不能以德當之而競爲驕奢與亂世爭權此卽晉之三郤矣延熹末黨事將作閔遂散髮絕世欲投迹深林以母老不宜遠遁乃築土室四周於庭不爲戶自牖納飲食而已旦於室中東向拜母母思閔時往就視母去便自掩閉兄弟妻子莫得見也及母沒不爲制服設位時莫能名或以爲狂生潛

氏姓譜

卷四十四

十三元

袁氏

三

身十八年黃巾賊起攻沒郡縣百姓驚散閔誦經不移賊相約語不入其閭鄉人就閔避難皆得全免年五十七卒于土室二弟忠宏簡操皆亞於閔

袁忠字正甫與同郡范滂爲友俱謫黨事得釋初平中爲沛相乘輦車到官以清亮稱及天下大亂忠棄官客會稽上虞一見太守王朗徒從整飭心嫌之遂稱病自絕後孫策破會稽忠等浮海南投交趾獻帝都許徵爲衛尉未到卒

袁宏字邵甫恥其門族貴勢乃變姓名徒步師門從師不應徵辟嘗入京師太學其從父逢爲太尉呼宏與相見適逢宴會作樂宏伏稱頭痛不聽音聲而退遂不復往紹術兄弟亦不與通終于家

袁秘字永寧忠子也爲郡門下議生黃巾起秘從太守趙

謙擊之軍敗秘與功曹封觀等七人以身扞刃皆死千陣

謙以得免詭秘等門閭號曰七賢

袁國

袁渙陳郡人劉先主舉渙茂才後歸曹操拜沛南都尉遷
梁相每勅諸存鰥寡高年表孝子貞婦嘗曰世治則禮詳
世亂則禮簡全在斟酌魏國初建行御史大夫事于侃清
粹閑雅素有父風位至尙書

晉

袁甫字公青淮南人好學與華譚齊名以詞辨稱嘗詣中
領軍何晏自言能爲劇縣晏曰惟欲宰縣不爲臺閣職何
也甫曰人各有能有不能譬繒中之好莫過錦錦不可以
爲帽穀中之美莫過稻稻不可以爲蠶是以聖王使人必

氏姓譜

卷四十四

十三元

袁氏

三

先以器苟非周材何能悉長黃霸馳名於州郡而息譽於
京邑廷尉之材不爲三公自昔然也晏善之除松滋令轉
淮南國大農郎中令石瑋問甫曰卿名能辨豈知壽陽已
西何以恒旱壽陽已東何以恒水甫曰壽陽已東皆是吳
人夫亡國之音哀以思鼎足強邦一朝失職歎甚積積
憂成陰陰積成雨雨久成水故其域恒澇也壽陽已西皆
是中國新平強吳美寶皆入志盈心滿用長歡娛公羊有
言魯僖甚悅故致旱京師若能抑強扶弱先疎後親則天
下和平災害不生矣觀者歎其敏捷年八十餘卒于家

袁瓌字山甫陳郡陽夏人魏郎中令煥之曾孫也祖父並

早卒瓌與弟猷欲奉母避亂求爲江淮間縣拜呂令轉江
都因南渡元帝以爲丹陽令中興建拜奉朝請遷治書御
史時東海王越尸旣爲石勒所焚妃裴氏求拾魂塋越朝

廷疑之環與博士傅純議以爲拾魂壘是謂埋神不可從也帝然之雖許裴氏拾魂壘越遂下詔禁之尋除廬江太守大將軍王敦引爲諮議參軍俄爲臨川太守敦平爲鎮南將軍卞敦軍司尋自解還都游於會稽蘇峻之難與王舒共起義軍以功封長合鄉侯徵補散騎常侍徙大司農尋除國子祭酒頃之加散騎常侍于時喪亂之後禮教陵遲環上疏曰臣聞先王之教也崇典訓以宏遠代明禮樂以流後生所以導萬物之性暢爲善之道也宗周旣興文史載煥端委垂於南蠻頌聲溢于四海故延州聘魯聞雅而歎韓起適魯觀易而美何者立人之道於斯爲首孔子恂恂以教洙泗孟軻係之誨誘無倦是以仁義之聲于今猶存禮讓之節時或有之疇昔皇運陵替喪亂屢臻儒林之教漸頽庠序之禮有闕國學索然墳籍莫敢有心之徒

氏姓譜

卷四十四

十三元

袁氏

三

抱志無由昔魏武身親介冑務在武功猶尙廢鞍覽卷撥戈吟詠况今陛下以聖明臨朝百官以虔恭莅事朝野無虞江外謐靜如之何泱泱之風漠然無聞洋洋之美墜于聖世乎古人有言詩書義之府禮樂德之則實宜留心經籍闡明學義使諷誦之音盈于京室味道之賢是則是詠豈不盛哉若得給其宅地備其學徒博士僚屬粗有其官則臣之願也疏奏成帝從之國學之興自環始也以年在懸車上疏告老尋卒追贈光祿大夫諡曰恭子喬嗣袁猷字申甫少與兄環齊名代環爲呂令復相繼爲江都由是俱渡江環爲丹陽猷爲武康兄弟列宰名邑論者美之歷位侍中衛尉卿

袁喬字彥叔初拜佐著作郎輔國將軍桓溫請爲司馬除司徒左西屬不就拜尙書郎桓溫鎮京口復引爲司馬領

廣陵相初喬與褚裒友善及康獻皇后臨朝喬與裒書曰
皇太后踐登正阼臨御皇朝將軍之於國外姓之太上皇
也至於皇子近屬咸有揖讓之禮而況策名人臣而交嬖
人父天性攸尊亦宜體國而重矣故友之好請於此辭染
絲之變墨翟致懷歧路之感楊朱與歎况與將軍游處少
長雖世譽先後而臭味同歸也平昔之交與禮數而降箕
踞之權隨時事而替雖欲虛詠濠肆脫落儀制其能得乎
來物無停變化遷代豈惟寸晷事亦有之夫御器者神制
衆以約願將軍怡情無事以理勝爲任親仗賢達以納善
爲大執筆惻悵不能自盡論者以爲得禮遷安西諮議參
軍長沙相不拜尋督沔中詣戍江夏隨義陽三郡軍事建
武將軍江夏相時桓溫謀伐蜀衆以爲不可喬勸溫曰夫
經畧大事故非常情所具智者了於胸心然後舉無遺算

氏姓譜

卷四十四

十三元

袁氏

三

耳今天下之難二寇而已蜀雖險固方胡爲弱將欲除之
先從易者今沂流萬里經歷天險彼或有備不必可剋然
蜀人自以斗絕一方恃其完固不修攻戰之具若以精卒
一萬輕軍速進比彼聞之我已入其險要李勢君臣不過
自力一戰擒之必矣論者恐大軍旣西胡必闕覲此又似
是而非何者胡聞萬里征伐以爲內有重備必不敢動縱
復越逸江渚諸軍足以守境此無憂矣蜀土富實號稱天
府昔諸葛武侯欲以抗衡中國今誠不能爲害然勢據上
流易爲寇盜若襲而取之者有其人衆此國之大利也溫
從之使喬以江夏相領二千人爲軍鋒師次彭模去賊已
近議者欲兩道竝進以分賊勢喬曰今深入萬里置之死
地士無反顧之心所謂人自爲戰者也今分爲兩軍軍力
不一萬一偏敗則大事去矣不如全軍而進棄去釜餽齎

三日糧勝可必矣温以爲然卽一時俱進去成都十里與賊大戰前鋒失利喬軍亦退矢及馬首左右失色喬因麾而進聲氣愈厲遂大破之長驅至成都李勢既降勢將鄧定隗文以其屬反衆各萬餘温自擊定喬擊文破之進號龍驤將軍封湘西伯尋卒年三十六温甚悼惜之追贈益州刺史諡曰簡喬博學有文才注論語及詩并諸文筆皆行于世子方平嗣亦以軌素自立辟大司馬掾歷義興琅邪太守卒子山松嗣

袁宏字彥伯侍中猷之孫也父勗臨汝令宏有逸才文章絕美曾爲詠史詩是其風情所寄少孤貧以蓮租自業謝尚時鎮牛渚秋夜乘月率爾與左右微服泛江會宏在舫中諷詠聲既清會辭又藻拔遂駐聽久之遣問焉答云是袁臨汝卽誦詩卽其詠史之作也尚傾率有勝致卽迎升

氏姓譜

卷四十四

十三元

袁氏

三

舟與之譚論申旦不寐自此名譽日茂尚爲安西將軍豫州刺史引宏參其軍事累遷大司馬桓温府記室温重其文筆專綜書記後爲東征賦賦末列稱過江諸名德而獨不載桓彝時伏滔先在温府又與宏善苦諫之宏笑而不答温知之甚忿而憚宏一時文宗不欲令人顯問後游青山飲歸命法同載衆爲之懼行數里問宏云聞君作東征賦多稱先賢何故不及家君宏答曰尊公稱謂非下官敢專旣未遑敢不敢顯之耳温疑不實乃曰君欲爲何辭宏卽答云風鑿散朗或搜或引身雖可亡道不可隕宣城之節信義爲允也温泣然而止宏賦又不及陶侃侃子胡奴嘗於曲室抽刃問宏曰家君勲跡如此君賦云何相忽宏窘急答曰我已盛述尊公何乃言無因曰精金百汰在割能斷功以濟時職思靜亂長沙之勳爲史所贊胡奴乃止

後爲三國名臣頌贊文不及載從桓溫北征作北征賦皆其文之高者嘗與王珣伏滔同在溫坐溫令滔讀北征賦至聞所傳於相傳云獲麟於此野誕靈物以瑞德奚授體於虞者疚尼父之洞泣似實慟而非假豈一性之足傷乃致傷於天下其本至此便改韻珣云此賦方傳千載無容率耳今於天下之後移韻徙事然於寫送之致似爲未盡滔云得益寫韻一句或爲小勝溫曰卿思益之宏應聲答曰感不絕於余心愬流風而獨寫珣誦味久之謂滔曰當今文章之美故當共推此生性強正亮直雖被溫禮過至於辯論每不阿屈故榮任不至與伏滔同在溫督府中呼爲袁伏宏心恥之每歎曰公之厚恩未優國士而與滔比肩何辱之甚謝安常賞其微對辯速後安爲揚州刺史宏自吏部郎出爲東陽郡乃祖道于冶亭時賢皆集安欲以

氏姓譜

卷四十四

十三元

袁氏

五

卒迫試之臨別執其手顧就左右取一扇而授之曰聊以贈行宏應聲答曰輒當奉揚仁風慰彼黎庶時人歎其率而能要焉宏見漢時傳毅作顯宗頌辭甚典雅乃作頌九章頌簡文之德上之於孝武太元初卒於東陽時年四十九撰後漢紀三十卷及竹林名士傳三卷詩賦詠表等雜文凡三百首傳於世三子長超子次成子次明子明子有父風最知名官至臨賀太守

袁山松少有才名博學有文章著後漢書百篇矜情秀遠善音樂舊歌有行路難曲辭頗疎質山松好之乃文其辭句婉其節制每因酣醉縱歌之聽者莫不流涕初羊曇善唱樂桓伊能挽歌及山松行路難繼之時人謂之三絕時張湛好爲齋前種松柏而山松每出游好令左右作挽歌人謂湛屋下陳尸山松道上行殯山松歷顯位爲吳郡太

守孫恩作亂山松守滬濱城陷被害

袁準字孝尼瓌從祖也以儒學知名注喪服經官至給事中準子冲字景元光祿勳冲子眈

袁眈字彥道少有才氣儼不羈爲士類所稱桓温少時游于博徒資產俱盡尙書負進思自振之方莫知所出欲求濟於眈而眈在艱試以告焉眈畧無難色遂變服懷布帽隨温與債主戲眈素有藝名債者聞之而不相識謂之曰卿當不辦作袁彥道也遂就局十萬一鄰直上百萬眈投馬絕叫探布帽擲地曰竟識袁彥道不其通脫若此蘇峻之役王導引爲參軍隨導在石頭初路永匡術賈寧等皆峻心腹聞祖約奔駿懼事不立迭說峻誅大臣峻旣不納承等慮必啟陰結於導導使眈潛說路永使歸順峻平封秣歸思拜建威將軍歷陽太守咸康初石季龍游騎十餘匹至歷陽眈上列不言騎少時胡寇強盛朝野危懼王導以宰輔之重請自討之旣而賊騎不多又已退散導止不行朝廷以眈失於輕妄黜之尋復爲導從事中郎方加大任會卒時年二十五子質

袁質字道和自渙至質五世並以道素繼業其父眈以雄豪著及質又以孝行稱官歷琅邪內史東陽太守質子湛

南

袁湛字士深少與弟豹竝爲從外祖謝安所知安以其兄子元女妻之宋武帝起兵以爲鎮軍諮議參軍以從征功封晉寧縣五等男義熙十二年轉尙書右僕射武帝北伐湛兼太尉與兼司空尙書范泰奉九命禮拜授武帝帝冲讓湛等隨軍至洛陽住柏谷塢泰議受使未畢不拜晉帝諸陵湛獨至五陵致敬時人美之初陳郡謝重王胡之外

氏姓譜

卷四十四

十三元

袁氏

三

孫於諸舅禮敬多闕重子綸湛之甥也嘗於公座陵湛湛正色謂曰汝便是兩世無渭陽情綸有愧色十四年卒官時年四十追贈左光祿大夫文帝卽位以后父追贈侍中以左光祿大夫開府儀同三司謚曰敬公大明三年孝武帝幸藉田行經湛墓下遣使致祭增守墓五戶子淳淳子植並早卒

袁豹字士蔚好學博聞多覽典籍初爲著作佐郎衛軍桓謙記室參軍大將軍武陵王遵承制復爲記室參軍其年丹陽尹孟昶以爲建威司馬歲餘轉司徒左西屬遷劉毅撫軍諮議參軍領記室毅時建議大田豹上議曰國因民以爲本民資食以爲天修其業則教興崇其本則末理寔爲治之要道致化之所階也不敦其本則末業滋章飢寒交湊則廉恥不立當今接篡僞之末值凶荒之餘爭源旣

氏姓譜

卷四四

十三元

袁氏

七

開彫薄彌啟榮利蕩其正性賦歛罄其所資良疇無側趾之耦比屋有因餒之患中間多故日不暇給自卷甲卻馬甫一二年積弊之黎難用克振實仁懷之所矜恤明教之所爰發也然斯業不修有自來矣司牧之官莫或爲務俗吏庸近猶秉常科依勸督之故典迷民情之屢變譬猶修隄以防川忘淵邱之改易膠柱於昔弦忽宮商之乖調徒有考課之條而無毫分之益不悟清流在於澄源止輪由乎高閎患生於本治之於末故也夫設位以崇賢疏爵以命士上量能以審官不取人於浮譽則比周道息游者言歸游子旣歸則南畝闕矣分職以任務置吏以周役職不以無任立吏必以非用省冗散者廢則萊荒壅矣器以應用商以通財勦靡蕪之巧棄難得之貨則彫僞者賤穀稼重矣耕耨勤悴力殷收寡工商逸豫用淺利深增賈販之

稅薄疇畝之賦則末技抑而田畷喜矣居位無義從之徒
在野靡兼并之黨給賜非可恩致力役不入私門則游者
反本肆勤自勸游食省而肆勤衆則東作繁矣密勿者甄
異怠慢者顯罰明勸課之令峻糾違之官則懶惰無所容
力田有所望力者欣而惰者懼則稽人勸矣凡此數事亦
務田之端趣也蒞之以清心鎮之以無欲勗之以無倦翼
之以廉謹舍日計之小明期遠致於莫歲則澆薄自淳心
化有漸矣豹善言雅俗每商較古今兼以誦詠聽者忘疲
尋轉撫軍司馬遷御史中丞鄱陽縣侯孟懷玉上母檀氏
拜國太夫人有司奏許豹以爲婦人從夫之爵懷玉父大
司農綽見居列卿妻不宜從子奏免尚書右僕射劉柳左
丞徐羨之耶何郤之官詔並贖論孟昶宰豹代爲丹陽尹
義熙七年坐使徙上錢降爲太尉諮議參軍仍轉長史從

氏姓譜

卷四十四

十三元

袁氏

三

討劉毅宋武帝遣益州刺史朱齡石伐蜀使豹爲檄文曰
夫順德者昌逆德者亡失仁與義難以求安馮阻負釁鮮
克有成詳觀自古隆替有數故成都不世祀華陽無興國
日者王室多故夷羿違紛波振塵駭覃及遐裔叢爾譙縱
編戶黔首同惡相求是崇是長肆反噬於州相播毒害於
民黎俾我西服隔閩皇澤自義風電靡天光反輝照暫舊
物烟燭區宇以庶務草荆未遑九伐自爾以來奄延十載
而野心不革旬隙乘間招聚逋叛共相封殖侵擾我蠻獠
搖蕩我疆陲我是以有治洲之役醜類盡殪匹馬無遺桓
謙折首譙福鳥逝奔伏窠穴引頸待戮當今北狄露蹄南
寇埃埽朝風載戢庶績其凝康哉之歌日熙比屋之隆可
詠孤職是經畧思一九有眷彼禹跡願言載懷奉命西行
途辰荆郢瞻望巴漢憤慨交深清江源於濫觴澄氛禔于

井絡誅叛柔遠今也其時卽命河間太守蒯恩下邳太守劉鍾精勇二萬直指成都龍驤將軍臧熹戎卒二萬進自墊江益州刺史朱齡石舟師三萬電曜外水分遣輔國將軍索邕牽漢中之衆濟自劍道振威將軍朱容子提寧州之銳渡瀘而入神兵四臨天綱宏掩衡翼千里金鼓萬張粗甲貝冑景煥波屬華夷百濮雲會霧臻以此攻戰誰與爲敵况又奉義而行以順而動者哉今三陝之隘在我境內非有岑彭荆門之險彌入其阻平衢四達實無鄧艾絳竹之艱山川之形抑非曩日攻守難易居然百倍當全蜀之強士民之富子陽不能自安於庸焚劉禪不敢竄命於南中荆邯折謀伯約挫銳故知成敗有數非可智筮此皆益土前事當今元龜也盛如盧循強如容超陵威南海跨制北岱樓船萬艘掩江蓋汜鐵馬千羣充原塞隰然廣固

氏姓譜

卷四十四

十三元

袁氏

元

之攻陸無完雉左里之戰水靡全舟或顯戮京畿或傳首萬里故知順逆有勢難以力抗斯又目前殷鑒深切著明者也梁益人士焉明王化雖驅迫一時本非奧主從之淫虐日月增播刑殺非罪死以澤量而待命寇讎之戮鉅隄豺狼之吻豈不遡誠南凱延首東雲普天有來蘇之幸而一方懷後予之怨王者之師以仁爲本舍逆取順爰自三驅齊斧所加縱身而已其有衿甲反接自投軍門者一無所問士子百姓列肆安堵審擇吉凶自求多祐大信之明儼若朝日如其迷復姦邪守愚不改火燎孟諸芝艾同爛河決金隄淵邱同體雖欲悔之亦將何及九年卒官時年四十一次年以參伐蜀之謀追封南昌縣五等子

袁淑字陽源豹少子也少有風氣年數歲伯父湛謂家人曰此非凡兒至十餘歲爲姑夫王宏所賞不爲章句之學

而博涉多通好屬文辭采道豔縱橫有才辯彭城王義康
命爲軍司祭酒義康不好文學雖外相禮接意好甚疎淑
從母兄劉湛欲其附已而淑不以改意由是大相乖失淑
乃賦詩曰種蘭忌當門懷璧莫向楚楚少別玉人門非植
蘭所尋以久疾免官元嘉二十六年遷尙書吏部郎其秋
大舉北伐淑侍坐從容曰今當席卷越魏檢玉岱宗願上
封禪書一篇文帝笑曰盛德之事我何足以當之出爲始
興王濬征北長史南東海太守淑始到府濬引見謂曰不
意舅遂垂屈佐淑答曰朝廷遣下官本以光公府望還爲
御史中丞時魏軍南侵遂至瓜步文帝使百官議防禦之
術淑上議其言甚誕淑喜爲誇每爲時人所譏始興王濬
嘗送錢三萬餉淑一宿復遣追取謂使人謬誤欲以戲淑
淑與濬書曰聞之前志曰七年之中一與一奪義士猶或

氏姓譜

卷四十四

十三元

袁氏

四

非之况密邇旬次何其哀益之亟也竊恐二三諸侯有以
觀大國之政遷太子左衛率元凶將爲弑逆其夜淑在直
二更許呼淑及蕭斌等流涕謂曰主上信讒將見罪廢省
內無過不能受枉明旦便當行大事望相與戮力淑斌並
曰自古無此願加善思劭怒變色左右皆動斌懼乃曰臣
昔忝伏事常思效節况憂迫如此輒當竭身奉令淑叱之
曰卿便謂殿下真有是邪殿下幼時嘗患風或是疾動耳
劭愈怒因問曰事當克不淑曰居不疑之地何患不克但
旣克之後爲天地所不容大禍亦旋至耳劭左右引淑衣
曰此是何事而可言罷劭因起賜淑等袴褶又就主衣取
錦截三尺爲一段又中破之分斌淑及左右使以縛袴褶
淑出環省繞床行至四更乃寢劭將出已與蕭斌同載呼
淑甚急淑眠終不起劭停車奉化門催之相續徐起至車

後劬使登車又辭不上劬因命左右與手刃見殺於奉化門外時年四十六劬卽位贈太常賜貽甚厚孝武卽位贈侍中太尉諡曰忠憲公又諳淑及徐湛之江湛王僧綽卜天與家長給廩祿淑文集傳于世淑諸子竝早卒兄洵吳郡太守諡曰貞

袁仲明陳郡人有學行與會稽孔廣埒名撰晉史未成而卒初仲明與劉融卞鏐俱爲袁粲所賞恒在坐席

袁覲洵少子也好學善屬文有清譽於世仕宋官至司徒從事中郎武陵內史早卒

袁粲字景倩父濯揚州秀才早卒粲幼孤祖哀之名之曰愍孫伯叔竝當世榮顯而愍孫飢寒不足母琅邪王氏太尉長史誕之女也躬事績紡以供朝夕愍孫少好學有清才隨伯父洵爲吳郡擁弊衣讀書足不踰戶其從兄顛出

氏姓譜

卷四十四

三十三元

袁氏

四

游要愍孫愍孫輒稱疾不動叔父淑雅重之語子弟曰我門不乏賢愍孫必當復三公或有欲與顛婚顛父洵曰顛不堪政可與愍孫婚耳愍孫在坐流涕起出早以操行見知宋孝武卽位稍遷尙書吏部郎太子右衛率侍中孝建元年文帝諱日羣臣竝於中興寺八關齋中食竟愍孫別與黃門郎張淹更進魚肉食尙書令何尙之奉法素謹密以白孝武孝武使御史中丞王謙之糾奏竝免官大明元年復爲侍中領射聲校尉封興平縣子三年坐納山陰人丁承文貨舉爲會稽郡孝廉免官五年爲左衛將軍加給事中七年轉吏部尙書左衛如故其年皇太子尅上臨宴東宮與顏師伯柳元景沈慶之等竝擣蒲愍孫勸師伯酒師伯不飲愍孫因相裁辱曰不能與佞人周旋師伯見寵於上上常嫌愍孫以寒素陵之因此發怒曰袁濯兒不逢

朕員外郎未可得也而敢寒士遇物將手刃之命引下席
慙孫色不變沈柳竝起謝久之得釋出爲海陵太守廢帝
卽位愍孫在郡夢日墮其胸上因驚尋被徵管機密歷吏
部尚書侍中驍衛將軍愍孫峻於儀範廢帝保之迫使走
愍孫雅步如常顧而言曰風雨如晦雞鳴不已明帝泰初
元年爲司徒左長史南東海太守愍孫清整有風操自遇
甚高嘗著妙德先生傳以續嵇康高士傳後以自況曰有
妙德先生陳國人也氣志深虛姿神清映性孝履順棲冲
業簡有舜之遺風先生幼夙多疾性疎嬾無所營尙然九
流百氏之言雕龍談天之藝皆汎識其大歸而不以成名
家貧嘗仕非其好也混其聲迹晦其心用席門常掩三逕
裁通雖楊子寂漠嚴叟沈冥不是過也修道遂志終無得
而稱焉又嘗謂周旋人曰昔有一國國中一水號曰狂泉

氏姓譜

卷四十四

十三元

袁氏

四

國人飲此水無不狂惟國君穿井而汲獨得無恙國人旣
竝任反謂國主之不狂爲狂於是聚謀共執國主療其狂
疾火艾針藥莫不必具國主不任其苦於是到泉所酌水
飲之飲畢便狂君臣大小其狂若一衆乃歡然我旣不狂
難以獨立比亦欲試飲此水矣幼慕荀奉倩爲人孝武時
求改名榮不許至明帝立乃請改爲榮字景倩其外孫王
筠又云明帝多忌諱反語袁愍爲殯門帝意惡之乃令改
焉二年遷領軍將軍仗士三十人入六門其年徙中書令
領太子詹事三年轉尚書僕射尋領吏部五年加中書令
又領丹陽尹榮負才尙氣愛好虛遠雖位任隆重不以事
務經懷獨步園林詩酒自適家居負郭每杖策逍遙當其
意得悠然忘反郡南一家頗有竹石榮率爾步往亦不通
主人直造竹所嘯咏自得主人出語笑欵然俄而車騎羽

儀併至門方知是袁尹又嘗步履曰楊郊野間道遇一士
大夫便呼與酬飲明日此人謂被知顧到門求進祭曰昨
飲酒無偶聊相要耳竟不與相見嘗作五言詩訪迹雖中
字循寄乃滄湖蓋其志也七年爲尙書令初祭忤於孝武
其母候乘輿出負博叩頭流血磚碎傷目自此後祭與人
語有誤道眇目者輒涕泣彌日嘗疾母憂念晝寢夢見父
容色如平生與母語曰懋孫無憂將爲國家器不患沈沒
但恐富貴終當傾滅耳母未嘗言及祭貴重恒懼傾滅乃
以告之祭故自挹損明帝崩祭與褚彥回劉劭竝受顧命
加班劍二十人給鼓吹一部後廢帝卽位加兵五百人元
徽元年丁母憂薨竟攝令親職加衛將軍不受性至孝居
喪毀甚祖日及祥詔衛軍斷客二年桂陽王休範爲逆祭
扶曳入殿詔加兵自隨府置佐吏時兵難危急賊已至南

氏姓譜

卷四古

十三元

袁氏

三

掖門諸將意沮威莫能奮祭慷慨謂諸將帥曰寇賊已逼
而衆情離阻孤子受先帝顧託本以死報今日當與諸護
軍同死社稷因命左右被馬辭色哀壯於是陳顯達等感
激出戰賊卽平殄事寧授中書監卽本號開府儀同三司
領司徒以揚州解爲府固不肯移三年徙尙書令衛軍開
府如故竝固辭服終乃受命加侍中進爵爲侯又不受時
祭與齊高帝褚彥回劉彥節遞日入直平決萬機祭閑默
寡言不肯當事主書每往諮決或高詠對之時立一意則
衆莫能改素寡往來門無雜賓閑居高臥一無所接談客
交士所見不過一兩人順帝卽位遷中書監司徒侍中如
故齊高帝旣居東府故使祭鎮石頭祭素靜退每有朝命
逼切不得已然後方就及詔移石頭卽便順旨有周旋人
解望氣謂祭曰石頭氣甚凶往必有禍祭不答又給綉絡

通曉車仗士五十人入殿時齊高帝方革命粲自以身受
顧託不欲事二姓密有異圖劉彥節宋氏宗室前湘州刺
史王蘊太后兄子素好武事竝慮不見容於齊高帝皆與
粲結諸將帥黃回任候伯孫曇瓘王宜興彭文之卜伯興
等竝與粲合昇明元年荊州刺史沈攸之舉兵反齊高帝
自詣粲粲稱疾不見粲宗人袁遠以爲不宜示異同粲曰
彼若切我入臺便無辭以拒一如此不復得出矣時齊高
帝入屯朝堂彥節從父弟領軍將軍韞入直門下省卜伯
興爲直閣黃回諸將皆率軍出新亭粲尅日謀矯太后令
韞伯興率宿衛兵攻齊高帝於朝堂回率軍來應彥節候
伯等竝赴石頭事泄先是齊高帝遣將薛深蘇烈王天生
等領兵戍石頭云以助粲實禦之也又令腹心王敬則爲
直閣與伯興共總禁兵王蘊聞彥節已奔歎曰今年事敗

氏姓譜

卷四十四

十三元

袁氏

四

矣乃狼狽率部曲向石頭薛深等據門射之蘊謂粲已敗
乃便散走齊高帝以報敬則敬則誅蘊并伯興又遣軍主
戴僧靜向石頭助薛深自倉門入時粲與彥節等列於登
東門僧靜分兵攻府西門彥節與兒踰城出粲還坐列燭
自照謂其子最曰本知一木不能止大厦之崩但以名義
至此耳僧靜挺身暗往奮刀直前欲斬之子最覺有異大
叫抱父乞先死兵士人人莫不隕涕粲曰我不失忠臣汝
不失孝子仍求筆作啓云臣義奉大宋策名兩畢今便歸
魂墳壠永就山邱僧靜乃併斬之初粲大明中與蕭惠開
周朗同車行逢大廨開駐車惠開自照鏡曰無年可仕朗
執鏡良久曰視死如歸粲最後曰當至三公而不終至是
如言最字文高時年十七旣父子俱殞左右分散任候伯
等其夜竝自新亭赴石頭其後皆誅粲小兒數歲乳母將

投祭門生狄靈慶靈慶曰吾聞出郎君者有厚賞今袁氏已滅汝匿之尚誰爲乎遂抱以首乳母號泣呼天曰公昔於汝有恩故旨難歸汝奈何欲殺郎君以求小利若天地鬼神有知我見汝滅門此兒死後靈慶常見兒騎大氈狗戲如平常經年餘鬪場忽見一狗走入其家遇靈慶於庭噬殺之少時妻子皆沒此狗卽袁郎所常馳也齊永明元年武帝詔曰袁粲彥節竝與先朝同獎宋室沈攸之於景和之世特有乃心雖末節不終而始誠可錄歲月彌往宜霑優隆於是竝命改葬粲省事莫嗣祖粲常所委信與彥節等宜密謀至是齊高帝問曰汝知袁粲謀逆何不啓嗣祖曰小人無識曲蒙袁公厚恩實不仰負今日就死分甘官若賜性命亦不忍背粲而獨生也戴僧靜勸殺之帝曰彼各爲其主遂赦焉用爲省事歷朝所賞梁豫章王面新

氏姓譜

卷四十四

十三元

袁氏

豐

出關中旨用嗣祖爲師

袁彖字偉才祖洵吳郡太守父覲武陵太守彖少有風氣善屬文及元言舉秀才歷諸王府參軍不就覲臨終與兄顓書曰史公才識可嘉足懋先基矣史公彖之小字也服未闕顓在雍州起事見誅宋明帝投顓尸江中不聽歛葬彖與舊奴一人微服潛行求尸四十餘日乃得密瘞石頭後崗身自負土懷其父集未嘗離身明帝崩後乃改葬顓從叔司徒粲外舅征西將軍蔡興宗竝器之除安成王征虜參軍主簿尙書殿中郎出爲廬陵內史豫州治中齊高帝太傅相國主簿秘書丞議駁國史檀超以天文志紀緯序位度五行志載當時祥沴二篇所記事用相懸日蝕爲災宜居五行趨欲立處士傳彖曰夫事闕業用方得列其名行今栖遁之士排斥皇王陵轍將相此偏介之行不可

長風移俗故遷書未傳班史莫編一介之善無緣頓畧宜
列其姓業附出他篇遷始興王友固辭高帝使吏部尚書
何戡宣旨令就遷中書郎兼太子中庶子又以中書兼御
史中丞轉黃門郎兼中丞如故坐彈謝超宗簡奏依違免
官尋補安西諮議南平內史除黃門未拜仍轉長史南郡
內史行荊州事還爲太子中庶子本州大中正出爲冠軍
將軍監吳興郡事彖性剛嘗以微言忤武帝又與王晏不
協武帝在便殿用金柄刀子治瓜晏在側曰外間有金刀
之言恐不宜用此物武帝愕然窮問所以晏曰袁彖爲臣
說之上衛怒良久彖到郡坐過用祿錢免官付東冶帝游
陵望東冶曰中有一好貴囚數日車駕與朝臣幸治履行
庫藏因宴飲賜囚徒酒肉敕見彖與語明日釋之尋白衣
行南徐州事司徒諮議衛軍長史遷侍中彖形體充腴有

氏姓譜

卷四十四

十三元

袁氏

吳

異於衆每從車駕射雉在郊野數人推扶乃能徒步幼而
母卒養於伯母王氏事之如親閨門中甚有孝義隆昌元
年卒年四十八諡靖子

袁昂字千里祖洵宋征虜將軍吳郡太守父顛冠軍將軍
雍州刺史泰始初舉兵晉安陽王子助事敗誅死昂時年
五歲乳媪攜抱匿於廬山會赦得出猶徙晉安至元徽中
聽還時年十五初顛敗傳首京師藏於武庫至是始還昂
號慟嘔血絕而復蘇從兄彖嘗撫視却譬昂更制服廬于
墓次後與彖同見從叔司徒祭祭謂彖曰其幼孤而能至
此故知名器自有所在齊初起家冠軍安成王行參軍遷
征虜主簿太子舍人王儉鎮軍府功曹史儉時爲京尹邈
於後堂獨引見昂指北堂謂昂曰卿必居此累遷秘書丞
黃門侍郎昂本名千里齊永明中武帝謂之曰昂昂千里

之駒在鄉有之今改鄉名爲昂郎千里爲宇出爲安南都陽王長史尋陽公相還爲太孫中庶子衛軍武陵王長史丁內憂哀毀過禮服未除而從兄豕卒昂幼孤爲豕所養乃制菴服人有怪而問之者昂致書以喻之服闋除右軍節陵王長史俄遷御史中丞時尙書令王晏弟詡爲廣州多納賕貨昂依事劾奏不憚權豪當時號爲正直出爲豫章內史丁所生母憂去職以喪還江路風浪暴駭昂乃縹衣著柩誓同沈溺及風止餘船皆沒惟昂所乘船獲全咸謂精誠所致堇訖起爲建武將軍吳興太守永元末義師至京師州牧郡守皆望風降款昂獨拒境不受命梁武帝手書喻之昂答曰都史至辱誨承藉以衆論謂僕有勤王之舉兼蒙誚責獨無送款循復嚴旨若臨萬仞三吳內地非用兵之所况以偏隅一郡何能爲役近奉敕以此境多

氏姓譜

卷四十四

十三元

袁氏

七

虞見使安慰自承麾旃屈止莫不勝袒軍門惟僕一人敢後至者政以內揆庸素文武無施直是陳國賤男子耳雖欲獻心不增大師之勇置其愚默寧沮衆軍之威幸藉將軍含宏之大可得從容以禮竊以一殮微施尙復投頌况食人之祿而頓忘一旦非惟物議不可亦恐明公鄙之所以躊躇未遑薦璧遂以輕微爰降重命震灼於心忘其所厝誠推理鑒猶懼威臨建康城平昂束身詣闕武帝宥之不問也天監二年以爲後軍臨川王參軍事昂奉啟謝罪武帝答曰朕遣射鉤卿無自外俄除給事黃門侍郎其年遷侍中明年出爲尋陽太守行江州事六年徵爲吏部尙書累表陳讓徙爲左民尙書兼右僕射七年除國子祭酒兼僕射如故領豫州大中正八年出爲仁威將軍吳郡太守十一年入爲五兵尙書復兼右僕射未拜有詔郎復封

尋以本官領起部尙書加侍中十四年馬仙琕破魏軍於
荆山詔權假昂節往勞軍十五年遷右僕射尋爲尙書令
宣惠將軍普通三年爲中書監丹陽尹其年進號中衛將
軍復爲尙書令卽本號開府儀同三司給鼓吹未拜又領
國子祭酒大通元年加中書監給親信三十人尋表解祭
酒進號中撫軍大將軍遷司空侍中尙書令親信鼓吹並
如故五年加特進左光祿大夫增親信爲八十人大同六
年薨時年八十詔曰侍中特進左光祿大夫司空昂奄至
薨逝惻怛于懷公器寓凝素志誠貞方端朝燮理嘉猷載
緝追榮表德寔惟令典可贈本官鼓吹一部給東園秘器
朝服一具衣一襲錢二十萬絹布一百疋蠟二百斤卽日
舉哀初昂臨終遺疏不受贈諡敕諸子不得言上行狀及
立誌銘凡有所須悉皆停省復曰吾釋褐從仕不期富貴

氏姓譜

卷四十四

十三元

袁氏

吳

但官序不失等倫衣食粗知榮辱以此鬪楯無慙鄉里往
忝吳典屬在昏明之際旣闇於前覺無識於聖朝不知天
命甘貽顯戮幸遇殊恩遂得全門戶自念罪私門階榮望
絕保全性命以爲幸甚不謂叨竊寵靈一至於此常欲竭
誠酬報申吾乃心所以朝廷每興師北伐吾輒啟求行誓
之丹款實非矯言旣庸懦無施皆不蒙許雖欲罄命其議
莫從今日瞑目畢恨泉壤若魂而有知方期結草聖朝遵
古知吾名品或有追遠之恩雖是經國恒典在吾無應致
此脫有贈官慎勿祇奉諸子累表陳奏詔不許冊諡曰穆
正公

袁君正昂子也美風儀善自居處以貴公子得當世名譽
頃之兼吏部郎以母憂去職服闋爲邵陵王友北中郎長
史東陽太守尋徵還都郡民徵士徐天祐等三百人詣闕

乞留一年詔不許仍除豫章內史尋轉吳興太守侯景亂
率數百人隨邵陵王赴援及京城陷還郡君正當官蒞事
有名稱而蓄聚財產服翫麗麗賊遣于悅攻之新城成
主戴僧易勸令拒守吳陸映公等懼賊脫勝畧其資產乃
曰賊軍甚銳其鋒不可當今若拒之恐民心不從也君正
性怯懦乃送米及牛酒郊迎子悅子悅至掠奪其財物子
女因是感疾卒

袁敬字子恭祖顛宋侍中吏部尚書雍州刺史父昂梁侍
中司空諡穆公敬純孝有風格幼便篤學老而無倦釋褐
秘書郎累遷太子舍人洗馬中舍人江陵淪覆流寓嶺表
陳武帝受禪敬在廣州依歐陽顛及顛卒其子紇據州將
有異志敬累諫紇爲陳逆順之理言甚切至紇終不從宣
帝卽位遣章昭達率衆討紇紇將敗之時恨不納敬言朝

氏姓譜

卷四十四

十三元

袁氏

四

廷義之其年徵爲太子中庶子通直散騎常侍俄轉司徒
左長史尋遷左民尚書轉都官尚書領豫州大中正累遷
太常卿散騎常侍金紫光祿大夫加特進至德三年卒時
年七十九贈左光祿大夫諡曰靖德子元友嗣

袁泌字文洋敬弟也清正有幹局容體魁岸志行修謹釋
褐員外散騎侍郎歷諸王府佐侯景之亂泌欲求爲將是
時泌兄君正爲吳郡太守梁簡文板泌爲東宮領直令往
吳中召募士卒及景圍臺城泌率所領赴援京城陷退保
東陽景使兵追之乃自會稽東嶺出溢城依於郡陽嗣王
蕭範範卒泌乃降景景平王僧辯表泌爲富春太守兼丹
陽尹貞陽侯僭位以泌爲侍中奉使於齊陳武帝受禪王
琳據有上流泌自齊從梁永嘉王蕭莊達琳所及莊僭立
以泌爲侍中丞相長史天嘉二年泌與琳輔莊至於柵口

琳軍敗衆皆奔散惟泌獨乘輕舟送莊達於北境屬莊於御史中丞劉仲威令共入齊然後拜辭而歸詣闕請罪文帝深義之尋授寧遠始興王府法曹參軍轉諮議參軍除通直散騎常侍兼侍中領豫州大中正聘於周使還授散騎常侍御史中丞其中正如故宣帝入輔以泌爲雲旗將軍司徒左長史光大元年卒年五十八臨終戒其子蔓華曰吾於朝廷素無功績瞑目之後歛手足旋葬無得輒受贈諡其子述泌遺意表請之朝廷不許贈金紫光祿大夫論曰質

袁樞字踐言君正子也美容儀性沈靜好讀書手不釋卷家世顯貴資產充積而樞獨居處率素傍無交往端坐一室非公事未嘗出游榮利之懷淡如也起家梁秘書郎歷太子舍人輕車河東王主簿安前邵陵王中軍宣成王二

氏姓譜

卷四十四

十三元

袁氏

五十一

府功曹史侯景之亂樞往吳郡省父因丁父憂時四方擾亂人求苟免樞居喪以至孝聞王僧辯平侯景鎮京城衣冠爭往造請樞獨杜門靜居不求聞達紹泰元年徵爲給事黃門侍郎未拜除員外散騎常侍兼侍中二年兼吏部尚書其年出爲吳興太守永定二年徵爲左民尚書未至改侍中掌大選事三年遷都官尚書掌選如故樞博聞強識明悉舊章初陳武帝長女永世公主先適陳留太守錢藏生子呂士及呂竝卒于梁世武帝受命惟公主追封至是將葬尚書主客請詳議欲加藏駙馬都尉并贈呂官樞議曰昔王姬下嫁必適諸侯同姓爲主聞於公羊之說車服不繫顯于詩人之篇漢氏初興列侯尚主自斯以後降嬪素族駙馬都尉置由漢武或以假諸功臣或以加于戚屬是以魏曹植表駙馬奉車趣爲一號齊職儀曰凡尚公

主必拜駙馬都尉魏晉以來因爲臆準蓋以王姬之重庶
姓之輕若不加其等級寧可合昏而醕所以假駙馬之位
乃崇於皇女也今公主早薨伉儷已絕旣無禮數致疑何
須駙馬之授案杜預尚晉宣帝第二女高陵宣公主晉武
踐阼主已亡泰始中追贈公主元凱無復駙馬之號梁文
帝女新安穆公主早薨天監初王氏無追拜之事遠近二
例足以據明公主所生旣未及成人之禮無勞此授今宜
追贈亭侯時以樞議爲長天嘉元年守吏部尚書三年卽
真尋領右軍將軍又領丹陽尹本官如故五年以葬父拜
表自解詔賜絹布五十匹錢十萬令葬訖停宅視郡事葬
服闋還復本職其年秩滿解尹加散騎常侍將軍尚書竝
如故是時僕射到仲舉雖參掌選事銓衡汲引竝出於樞
其所舉薦多會上旨謹慎周密清白自居文武職司鮮有

氏姓譜

卷四十四

十三元

袁氏

五

遊其門者廢帝卽位遷尚書左僕射光大元年卒時年五
十一贈侍中左光祿大夫諡曰簡懿有集十卷行於世

袁邕字德章樞弟也幼聰敏好學有雅量梁武帝修建庠
序別開五館其一館在憲宅西憲常招引諸生與之談論
新義出人意表同輩咸嗟服焉大同八年武帝撰孔子正
言章句詔下國學宣制旨義憲時年十四名爲正言生祭
酒到概曰送之愛其神彩國子博士周宏正謂憲父君正
曰賢子今茲欲策試不君正曰未敢令試居數日君正遣
門客岑文豪與憲候宏正會宏正將登講坐弟子畢集乃
延憲入室授以塵尾令憲樹義時謝岐何妥在坐宏正謂
曰二賢雖窮奧曠得無憚此後生邪何謝乃遞起義端深
極理致憲與往復數番酬對閑敏宏正謂妥曰恣卿所問
勿以童稚相期時觀者重沓憲神色自若辯論有餘宏正

亦起數難終不能屈因告文豪曰卿還諮袁吳郡此郡已
堪見代博士矣時生徒對策多行賄賂文豪請具束修君
正曰我豈能用錢爲兒買第邪學司銜之及憲試爭起劇
難憲隨問抗答剖析如流到溉顧憲曰袁君正其有後矣
及君正將之吳郡溉祖道於征虜亭謂君正曰昨策生蕭
敏孫徐孝克非不解義至于風神器局去賢子遠矣尋舉
高第以貴公子選尙南沙公主卽梁簡文帝女也大同元
年釋褐秘書郎遷太子舍人侯景寇逆憲東之吳郡陳武
帝作相除司徒戶曹初謁遂抗禮長揖中書令王勵謂憲
曰卿何矯衆不拜錄公憲曰於理不應致拜衛尉趙知禮
曰袁生舉止詳中故有陳汝之風陳受命授中書侍郎兼
散騎常侍與黃門郎王瑜使齊數年不遣天嘉初乃還太
建三年累遷御史中丞羽林監時豫章王叔英不奉法度

氏姓譜

卷四十四

上三元

袁氏

五

逼取人馬憲依事劾奏免叔英自是朝野嚴憚憲詳練朝
章尤明聽斷至有獄情未盡而有司具法者卽伺閑爲帝
言之所申理甚衆嘗陪醺承香閣賓退後宣帝留憲與衛
尉樊俊徙席山亭談宴終日帝謂俊曰袁家故爲有人其
見重如此自侍中遷吳郡太守以父任固辭改授南康內
史遷吏部尙書憲以久居清顯累表自解任帝曰諸人在
職屢有謗書卿處事已多可謂清白別相甄錄且勿致辭
遷右僕射參掌選事先是憲長兄樞爲左僕射至是憲爲
右僕射臺省曰樞爲大僕射憲爲小僕射朝廷榮之及宣
帝不豫憲與吏部尙書毛喜俱受顧命始與王叔陵之肆
逆也憲指麾部分預有力焉後主被瘡病篤執憲手曰我
兒尙幼後事委卿憲曰羣情喁喁冀聖躬康復後事之旨
未敢奉詔以功封建安縣伯領太子中庶子尋除侍中大

子詹事及太子加元服行釋奠禮憲表請解職不許尋給
扶二人皇太子頗不率典訓憲手表陳諫凡十條皆援引
古今言辭切直太子雖外示容納心無悛改後主欲立寵
姬張貴妃子始安王爲嗣嘗從容言之吏部尙書蔡徵順
旨稱賞憲厲色折之曰皇太子國家儲嗣億兆宅心卿是
何人輕言廢立然是夏竟廢太子爲吳興王後主知憲有
規諫之事答曰袁德章實骨鯁臣卽日詔爲尙書僕射禎
明元年隋軍來伐隋將賀若弼進燒宮城北掖門兵衛皆
散走朝士各藏惟憲侍左右後主謂曰我從來待卿不先
餘人今日見卿可謂歲寒知松柏後凋也非惟由我無德
亦是江東衣冠道盡後主將避匿憲正色曰北兵之入必
無所犯大事如此陛下安之臣願陛下依梁武見侯景故
事以待之不從因下榻馳去憲從出後堂景陽殿後主投

氏姓譜

卷四十四

三三元

袁氏

三

井中憲屏哭而出及至長安隋文帝嘉其雅操下詔以爲
江表稱首授開府儀同三司昌州刺史開皇十四年授晉
王廣府長史十八年卒時年七十贈大將軍安成郡公諡
曰簡長子承家仕隋至秘書丞國子司業

袁式字季祖陳郡陽夏人漢司徒滂之後父淵司馬昌明
侍中式在南歷武陵王遵諮議參軍與司馬文思等歸姚
興太常二年歸魏爲上客賜爵陽夏子與司徒崔浩一面
便盡國士之交是時朝儀典章悉出於浩浩以式博於古
事每所草創恒顧訪之性長者雖羈旅颺泊而清貧守度
不失士節時人甚敬重之皆呼曰袁諮議延和三年衛大
將軍樂安王範爲雍州刺史詔式與中書侍郎高允俱爲
從事郎中辭而獲免式沉靜樂道周覽書傳至於誦誥倉
雅偏所留懷作字釋未就以天安二年卒贈豫州刺史諡

曰蕭侯

袁濟式子也襲位魏郡太守政有清稱加寧遠將軍子姪遂居潁川之陽夏

袁躍字景騰陳郡人尚書翫弟也博學雋才性不矯俗篤於交友翫每謂人曰躍可謂我家千里駒也釋褐司空行參軍歷位尚書都兵郎中加員外散騎常侍將立明堂躍乃上議當時稱爲博洽蠕蠕主阿那瓌亡破來奔朝廷矜之送復其國旣而每使朝貢辭旨頗不盡禮躍爲朝臣書與瓌陳以禍福言辭甚美後遷車騎將軍太傅清河王懌文學雅爲懌所愛賞懌之文表多出於躍卒贈冠軍將軍吏部郎中所制文集行於世無子兄翫以子聿修繼

袁聿修字叔德七歲遭喪居處禮若成人九歲州辟主簿性深沉有鑒識清靖寡欲與物無競姨夫尚書崔休深所

氏姓譜 卷四十四 十三元 袁氏 五

知賞年十八領本州中正兼尚書度支郎中齊受禪除太子庶子以本官行博陵太守

袁峻字孝高陳郡陽夏人魏郎中令渙之入世孫也峻早孤篤志好學家貧無書每從人假借必皆抄寫自課日五十紙紙數不登則不休息訥言語工文辭義師剋京邑鄴陽王恢東鎮破岡峻隨王知管記事天監初鄴陽國建以峻爲侍郎從鎮京口王遷郢州兼都曹參軍梁武帝雅好辭賦時獻文於南闕者相望焉其藻麗可觀或見賞擢六年峻乃擬揚雄官箴奏之帝嘉焉賜束帛除員外散騎侍郎直文德學士省抄史記漢書各爲二十卷又奉敕與陸倕各製新闕銘云

袁翻字景翔陳郡項人也父宣有才筆爲劉瓛青州刺史沈文秀府主簿皇興中東陽州平隨文秀入魏而大將軍

劉昶每提引之言是其外祖淑之近親令與其府諮議參軍袁濟爲宗宣時孤寒甚相依附及醜兄弟官顯與濟子沈演遂各陵競沈等乃經公府以相排斥醜少以才學擅美一時初爲奉朝請景明初李彪在東觀醜爲徐紇所薦彪引兼著作佐郎以參史事及紇被徙尋解後遷司徒祭酒揚烈將軍尙書殿中郎正始初詔尙書門下於金墉中書外省考論律令醜與門下錄事常景孫紹廷尉監張虎律博士侯堅固治書侍御史高綽前軍將軍邢苗奉車都尉程靈虬羽林監王元龜尙書郎祖瑩宋世景員外郎李琰之太樂令及孫崇等並在議限又詔太師彭城王勰司州牧高陽王雍中書監京兆王愉前青州刺史劉芳左衛將軍元麗兼將作大匠李韶國子祭酒鄭道昭廷尉少卿王顯等入預其事後除豫州中正遭母憂去職熙平初除

氏姓譜

卷四十四

十三元

袁氏

五

冠軍將軍廷尉少卿尋加征虜將軍後出爲平陽太守醜爲廷尉頗有不平之論及之郡甚不自得遂作思歸賦以自况神龜未選冠軍將軍涼州刺史時蠕蠕主阿那瓌後主婆羅門並以國亂來降朝廷問醜安置之所醜表曰謬以非才忝荷邊任猥垂訪逮安置蠕蠕主阿那瓌婆羅門等處所遠近利害之宜竊惟匈奴爲患其來久矣雖隆周盛漢莫能障服衰弱則降富強則叛是以方叔召虎不遑自息衛青去病勤亦勞止或修文德以來之或興于戈以伐之而一得一失利害相伴高車韓來朝左賢入侍史籍謂之盛事千載以爲美談至于皇代勃興威馭四海爰在北京仍梗疆場自卜惟洛食定鼎伊瀍高車蠕蠕迭相吞噬始則蠕蠕衰微高車強盛蠕蠕則自救靡服高車則僻遠西北及蠕蠕復振反破高車王喪民離不絕如綫而高

車今能終雪其恥復摧蠕蠕者正由種類繁多不可頓滅故也然圖此兩敵卽下莊之算得使境上無塵數十年中者抑此之由也今蠕蠕爲高車所討滅外憑大國之威靈兩主投身一碁而至百姓歸誠萬里相屬進希朝廷哀矜剋復宗社退望庇身有道保其妻兒雖乃遠夷荒桀不識信順終無純固之節必有孤負之心然興亡繼絕列聖同覲撫降卹附絲經其軌若棄而不受則虧我大德若納而禮待則損我資儲來者旣多全徙內地非直其情不願迎送艱難然夷不亂華殷鑒無遠覆車在於劉石毀轍固不可尋且蠕蠕尚存則高車猶有內顧之憂未暇窺窬上國若蠕蠕全滅則高車跋扈之計豈易可知今蠕蠕雖主奔於上民散於下而餘黨實繁部落猶衆處處碁布以望今主耳高車亦未能一時并兼盡令率附又高車士馬雖衆

氏姓譜

卷四十四

十三元

袁氏

五

主甚愚弱上不制下下不奉上惟以掠盜爲資陵奪爲業河西捍禦強敵惟涼州敦煌而已涼州土廣民希糧仗素闕敦煌酒泉空虛尤甚若蠕蠕無復堅立令高車獨擅北垂則西顧之憂匪旦伊夕愚謂蠕蠕二主皆宜存之居阿那瓌於東偏處婆羅門於西裔分其降民蒼有攸屬那瓌住所非所經見其中事勢不敢輒陳其婆羅門請修西海故城以安處之西海郡本屬涼州今在酒泉直抵張掖西北千二百里去高車所住金山一千餘里正是北虜往來之衝要漢家行軍之舊道土地沃衍大宜耕殖非但今處婆羅門於事爲便卽可永爲重成鎮防西北宜遣一良將令監護婆羅門凡諸州鎮應徙之兵隨宜割配且田且戍雖外爲置蠕蠕之舉內實防高車之策一二年後足食足兵斯固安邊保塞之長計也若婆羅門能自克厲使餘虜

鬪心收離聚散復與其國者乃斬令北轉徙渡流沙卽是
我之外蕃高車勃敵西北之虞可無過慮如其奸回反覆
孤恩背德者此不過爲遁逃之寇於我何損今不早圖戎
心一啟脫先據西海奪我險要則酒泉張掖自然孤危長
河以西終非國有不圖厥始而憂其終噬臍之恨悔將何
及愚見如允乞遣大使往涼州燉煌及於西海躬行山谷
要害之所親閱亭障遠近之宜商量士馬校練糧仗部分
見定處置得所入春西海之間卽令播種至秋收一年之
食使不復勞轉輸之功也且西海北垂卽是大磧野獸所
聚千百爲羣正是蠕蠕射獵之處殖田以自供籍獸以自
給彼此相資足以自固今之豫度微似小損歲終大計其
利實多高車豺狼之心何可專信假令稱臣致款正可外
加優納而復內備彌深所謂先人有奪人之心者也管窺

氏姓譜

卷四十四

十三元

袁氏

五七

所陳懼多孟浪時朝議是之還拜吏部郎中加平南將軍
光祿大夫以本將軍出爲齊州刺史無多政績孝昌中除
安南將軍中書令領給事黃門侍郎與徐紇俱在門下並
掌文翰讎旣才學名重又善附會亦爲靈太后所信待是
時蠻賊充斥六軍將親討之讎乃上表諫止後蕭寶夤大
敗於關西讎上表請爲西軍死亡將士舉哀存而還者并
加賑賚後拜度支尙書尋轉都官讎表乞骸骨時天下多
事讎雖外請閑秩而內有求進之心讎者怪之於是加撫
軍將軍肅宗靈太后會燕於華林園舉觴謂羣臣曰袁尙
書朕之杜預欲以此杯敬屬元凱今爲盡之侍座者莫不
羨仰讎名位俱重當時賢達咸推與之然獨善其身無所
獎拔排抑後進懼其凌已論者鄙之建議初遇害於河陰
年五十三所著文筆百餘篇行于世贈使持節侍中車騎

將軍儀同三司青州刺史嬭子寶首武定中司徒記室參
軍寶首兄叔德武定末太子中舍人

氏姓譜

卷四十四

十三元

袁氏

五

氏姓譜卷四十四終

歷代名賢列女姓氏譜卷之四十五

湘鄉 蕭智漢雲澤氏纂輯

男秉信明甫氏校

上平聲

十三元

袁氏

歷代名賢

唐

袁朗其先雍州長安人父樞仕陳爲尚書左僕射朗在陳爲祕書郎江總尤器之後主聞其才詔爲月賦一篇灑然無留思後主曰謝莊不得獨美於前矣復詔爲芝草嘉蓮二頌歎賞尤厚累遷太子洗馬德教殿學士陳亡入隋歷尚書儀曹郎武德初隱太子與秦王齊王相傾爭致名臣以自助太子有詹事李綱竇軌庶子裴矩鄭善果友賀德

氏姓譜

卷五

十三元

袁氏

仁洗馬魏徵中舍人王珪舍人徐師暮率更令歐陽詢典膳監任璨直典書坊唐臨隴西公府祭酒韋挺記室參軍事庾抱左領大都督府長史唐憲秦王有友于志寧記室參軍事房元齡虞世南顏思魯諮議參軍事竇綸蕭景丘曹杜如晦鎧曹褚遂良士曹戴胄闢立德參軍事薛元敬蔡允恭主簿薛收李道元典籤蘇幹文學姚思廉褚亮煥煌公府文學顏師古右元帥府司馬蕭瑀行軍元帥府長史屈突通司馬竇誕天策府長史唐儉司馬封倫軍諮祭酒蘇世長兵曹參軍事杜淹倉曹李守素參軍事顏相時齊王有記室參軍事榮九思戶曹武士逸典籤裴宣儼朗爲文學從父弟承序亦有名王召爲文學館學士朗累封汝南縣男再轉給事中卒太宗爲廢朝一日謂高士廉曰朗任淺而性謹厚使人悼惜詔給喪費存問其家朗遠祖

滂爲漢司徒自滂至朗凡十二世其間位司徒司空者四世淑顯察皆死宋難昂著節齊梁時朗自以中外人物爲海內冠雖琅邪王氏踵爲公卿特以累朝佐命有功鄙不爲伍

袁詭朗孫也神功中爲蘇州刺史司馬張浦者侍中文瓌子嘗白詭曰州得一長史所西李直天下甲門也詭曰夫門戶者歷世名節爲天下龍高老夫是也山東人尙婚媾求祿利耳至見危授命則無人焉何足尙邪浦大慙

袁承序爲齊王元吉府學士府廢補建昌令治尙慈簡吏民懷德高宗之爲晉王也太宗崇選僚屬問梁陳名臣子弟誰可者岑文本曰昔陳亡百司奔散有袁憲者朝服立後主傍白刃不避也王世充篡隋羣臣表勸進而憲子給事中承家稱疾不肯署今其少子承序風操清亮無愧先

氏姓譜

卷五

十三元

袁氏

二

烈帝乃詔拜晉王友兼侍讀加宏文館學士卒

袁利貞陳中書令敬孫朗從祖弟也高宗時爲太常博士周王侍讀及王立爲太子百官上禮帝欲大會羣臣命婦合宴宣政殿設九部伎散樂利貞上疏諫以爲前殿路門非命婦宴會倡優進御之所請徙命婦別殿九部伎從左右門入罷散樂不進帝納之既會帝傳詔利貞曰卿棄棄忠鯁能抗疏規朕之失不厚賜無以勸能者乃賜物百段擢祠部員外郎卒中宗立以舊恩追贈祕書少監

袁天綱蓋州成都人仕隋爲鹽官令在洛陽與杜淹王珪章挺游天綱謂淹曰公蘭臺學堂全且博將以文章顯謂珪法令成天地相臨不十年官五品謂挺面如虎當以武處官然三君久皆得譴吾且見之淹以侍御史入天策爲學士珪太子中允挺善隱太子薦爲左衛率武德中俱以

事流雋州見天綱曰公等終且貴杜位三品難與言壽王章亦三品後於杜而壽過之但晚節皆困見竇軌曰君伏犀貫玉枕輔角完起十年且顯立功其在梁益間邪軌後爲益州行臺僕射天綱復曰赤脈干腫方語而浮赤入大宅公爲將必多殺願自戒軌果坐事見召天綱曰公毋憂右輔澤而動不久必還果還爲都督貞觀初太宗召見曰古有君平朕今得爾何如對曰彼不逢時臣固勝之武后之幼天綱見其母曰夫人法生貴子乃見二子元慶元爽曰官三品保家主也見韓國夫人曰此女貴而不利夫后最幼姆抱以見給以男天綱視其步與目驚曰龍瞳鳳頸極貴驗也若爲女當作天子帝在九成宮令視岑文本曰學堂瑩夷眉過目故文章振天下首生骨未成自前而視法三品肉不稱骨非壽兆也張行成馬周見曰馬君伏犀

氏姓譜

卷五

十三元 袁氏

三

質腦背若有負貴驗也近古君臣相遇未有及公者然而澤赤而耳無根後骨不隆壽不長也張晚得官終位宰相其術精類如此高士廉曰君終作何官謝曰僕及夏四月數既盡如期以火山令卒

袁客師天綱子也亦傳其術爲廩犧令高宗置一鼠于墮令術家射皆曰鼠客師獨曰雖實鼠然入則一出則四發之鼠生三子嘗度江那舟而還左右請故曰舟中入鼻下氣皆墨不可以濟俄有一男子跛而負直就舟客師曰貴人在吾可以濟江中風忽起幾覆而免跛男子乃婁師德也

袁滋字德深蔡州朗山人陳侍中憲之後彊學博記少依道州刺史元結讀書自解其義結重之後客荆郢聞起學廬講授建中初黜陟使趙贊薦于朝起處士授試校書郎

累辟張伯儀何士幹幕府進詹事府司直部官以盜金下獄滋直其寃御史中丞韋貞伯聞之表爲侍御史刑部大理部員外郎韋臯始招來西南夷南詔異牟尋內屬德宗遷郎史中丞賜金紫持節往諭年還使有旨進諫議大夫兼御史中丞賜金紫持節往諭年還使有旨進諫議大夫遷尙書右丞知吏部選求外遷爲華州刺史政清簡流民至者給地居之名其里曰義合然專以慈惠爲本未嘗設條教民愛向之有犯令時時法外縱舍得盜賊或哀其窮出財爲償所亡召爲左金吾衛大將軍以楊於陵代之滋行者老遮道不得去於陵使諭曰吾不敢易袁公政人皆羅拜乃得去莫不流涕憲宗監國進拜中書侍郎同中書門下平章事劉闢反詔滋爲劔南兩川山南西道安撫大

氏姓譜

卷四十五

十三元

袁氏

四

使半道以檢校吏部尙書平章事爲劔南東西川節度使是時賊方熾又滋兄峰在蜀爲闢所劫滋畏不得全久不進貶吉州刺史未幾徙義成節度使滑用武地東有淄青北魏博滋嚴備而推誠信務在懷來李師道田季安畏服之居七年百姓立祠祝祭以戶部尙書召改檢校兵部拜山南東道節度使徙荆南吳元濟之反滋言蔡兵勁與下同欲非朝夕計可下宜廣方畧離潰其心及宿兵三年調發益屈詔出禁錢繼之滋揣天子且厭兵自表入朝欲議罷淮西事道聞蕭俛錢徽坐沮議黜去滋翻其謀更言必勝願可天子意乃得還俄而高霞寓敗帝思以恩信傾賊且滋嘗云云乃授彰義節度使僑治唐州又以滋儒者拜陽旻爲唐州刺史將其兵滋先世墳墓在蔡吳少陽時爲修墓禁芻牧諸袁多署右職廩給之滋至治去斥候與元

濟道好賊圍新興滋卑辭講解賊因是易滋不爲備時帝責戰急而滋至六月以無功貶撫州刺史未幾遷湖南觀察使累封淮陽郡公卒年七十贈太子少保滋既病作遺令處後事訖三年皆有條次性寬易與之接者皆自謂可見肺腑至家人不得見喜溫薄居處衣食能爲春秋嘗以劉惔悲甘陵賦褒善斥惡戾春秋指然其文不可廢乃著後序工篆隸有古法子均右拾遺郊翰林學士

袁恕已滄州東光人仕累司刑少卿知相王府司馬與誅二張又從相王統南衙兵備非常以功加銀青光祿大夫中書侍郎同中書門下三品封南陽郡公實封五百戶將作少匠楊務廉者以工巧進恕已恐其復啟游娛侈麗之漸言於中宗曰務廉位九卿忠言嘉謨不聞而專事營構以媚上不斥之亡以昭德乃授陵州刺史未幾拜中書令

氏姓譜

卷五

十三元

袁氏

五

特進南陽郡王罷政事例及貶又流環州爲周利貞所逼恕已素餌黃金至是飲野葛數升不死憤懣抔土以食爪甲盡不能絕乃擊殺之諡曰貞烈

袁高字公願恕已孫也少慷慨有節尙擢進士第代宗時累遷給事中建中中拜京畿觀察使坐累貶韶州刺史復拜給事中德宗將起盧杞爲饒州刺史高當草詔見宰相盧翰劉從一日杞當國矯誣陰賊斥忠誼傲明德反易天常使宗福失守天下疠瘡朝廷不寘以法才示貶黜今還授大州天下其謂何翰等不悅命舍人作詔詔出高執不下奏曰陛下用杞爲相出入三年附下罔上使陛下越在草莽羣臣願食其肉且不厭漢法三光不明雨旱不時皆宰相請罪小者免大者戮杞罪萬誅陛下赦不誅止貶新州俄又內移今復拜刺史誠失天下望帝曰杞不逮是朕

之過朕已再赦答曰杞天資詭險非不逮彼固所餘赦者止赦其罪不宜授刺史願問外廷并赦中人聽於民若億兆異臣之言臣請前死諫官亦力爭帝前帝曰與上佐可乎羣臣奉詔翌日遣使慰高曰朕惟卿言切至已如秦太子少保韋倫曰高言勁挺自是陛下一良臣宜加優禮貞元二年帝以大盜後關輔百姓貧田多荒蕪詔諸道上耕牛委京兆府勸課量地給牛不滿五十畝不給高以爲聖心所憂乃在窮乏今田不及五十畝卽是窮人請兩戶共給一牛從之卒年六十中外悵惜憲宗時李吉甫言其忠蹇特贈禮部尙書文宗開成三年又詔元暉曾孫郢爲監察御史暉曾孫元膺河南丞柬之四世孫憬壽安尉恕巴曾孫德文校書郎

袁人傑無爲人唐末盜賊克斥人傑以土豪招集強壯保障一方賊大入人傑挺身血戰度不能支仰天大呼自刎而死尸僵立者累日賊驚異舍其境遁去鄉人收葬立祠祀之

氏姓譜

卷四十五

十三元

袁氏

六

袁皓字退山宜春人博學能文章咸通間舉進士累官吉撫二州刺史集賢殿圖書使自號碧池處士有碧池書三十卷集道林士詩二卷

袁仁敬開元中杭州刺史時元宗自擇諸司長官以仁敬刺杭詔宰相諸王御史以上祖道洛濱賜詩親書以寵其行仁敬治郡之暇嘗種九里松

袁不約字還朴新城人登長慶三年進士又試平判入等仕至職方員外郎有袁不約集一卷

袁光孚天寶間爲台州刺史沈佺期贈曰公四代衣冠一門忠鯁文才沉毅雅度溫良甘雨隨傳于往還仁風交扇

于暮月果若其言爲良吏矣

袁暉以魏知古薦爲左補闕開元中馬懷素請校正羣籍
暉自邢州司戶參軍預焉

袁光弼天寶中安祿山搆難西北戍兵悉入援故河隴郡
縣皆陷吐蕃惟河西戍將袁光弼爲伊州刺史固守歷年
雖游說百緒終不降諸下同心無攜畔者及糧竭手殺妻
子自焚死建中初贈工部尚書

袁建豐不知其世家也晉王討黃巢至華陰關得之時方
九歲愛其俊爽收養之長習騎射爲鐵林都虞侯從擊王
行瑜李匡威以功遷突陣指揮使從莊宗破夾城戰栢鄉
遷左廂馬軍指揮使明宗爲內衙指揮使建豐爲副使從
莊宗入魏取衛磁洛三州拜洛州刺史擊梁將王千斬首

氏姓譜

卷五

十三元

袁氏

七

千餘級獲其將校七十餘人遷相州刺史從戰胡柳指揮
使孟謙據相州叛建豐還討平之徙隰州刺史病風廢明
宗卽位以舊恩召遷京師親幸其第撫慰甚厚加檢校大
尉遙領鎮南軍節度使俾食其俸以卒贈太尉

袁彥河東縣人少以矯勇應募嘗從周世宗討淮南累官
彰信軍節度使宋初加檢校太尉

宋

袁燮字和叔鄞人人生而端粹專靜乳媪置槃水其前玩視
終日夜臥常惺然稍長慨然以名節自期入太學登第調
江陰尉常平使羅點檄振恤浙西饑荒令每保畫一圖悉
載田疇山水道路以居民分布其間書其名數治業台保
爲都合都爲鄉合鄉爲縣振之無遺後有征發爭訟追胥
按圖立決連丁家艱寧宗立召爲太學正論救朱熹趙汝

愚出爲浙東帥幕嘉定初累除宗正寺簿密院編修權考
功郎官太常丞知江州改提舉江西常平權知隆興召爲
都官郎中遷司封入對言陛下卽位之初委任賢相正士
鱗集因竊威權者從旁睥睨彭龜年逆知必亂顯言其姦
反以罪去自是權臣得肆幾危社稷陛下嘗追思此事臨
朝大息斯人猶在必大用之固已深知其忠矣今正人端
士不乏願陛下嘗存此心不厭剴切崇獎朴直天下何憂
不治又言臣昨勸陛下勤學好問聖訓答以問則明臣退
與朝士言莫不稱善而側聽十旬猶昔之端拱淵默臣竊
惑焉夫旣知如是而明則當知反是而闇明則輝光旁燭
無所不通闇則是非得失懵然莫辨帝納之由國子司業
遷祭酒延見諸生訓以反躬尅己忠信篤敬聞者悚然有
得兼崇政殿說書除禮部侍郎兼侍讀與史彌遠爭和議

氏姓譜

卷五

十三元

袁氏

八

臺論罷之以寶文閣待制學舉鴻慶宮起知温州進直學
士卒其學初得於陸九齡與同學沈煥楊簡舒璘相切磋
復師事九淵發明本心之指每言人心與天地一本精思
以得之兢業以守之則與天地相似學者稱爲潔齋先生
後謚正獻

袁甫字廣微雙子也少服父訓學以聖人爲師自得爲貴
從楊簡遊自謂吾觀草木之發生聽禽鳥之和鳴與我心
契其樂無涯登嘉定進士第一調建康軍節度判官入爲
秘書正字轉對言當今可懼有五其一端良者斥詭諛者
用何以作忠臣敢諫之氣其二兵戈旣興餽餉不繼根本
日虛恐有蕭牆之憂其三君上深居高拱臣下奉行傳書
獨運密謀之意勝而虛心咨訪之意微天下迫切之情何
由上聞其四外患未弭內患方深上下熙熙自謂雅量足

以鎮浮而不知宴安實爲鴆毒其五庸夫儉人苟求富貴
交結近倖賄賂權貴禍亂幾萌不可悉數未聞大明黜陟
將何以答天譴召和氣哉遷校書郎又陳邊事之病不在
外而在內偷安之根不去規模終不立壅蔽之根不去血
脈終不通忌嫉之根不去將帥終不可擇欺誑之根不去
兵財終不可治祖宗立法凡大事雖委中書然必擇風采
著聞者爲臺諫敢於論駁者爲給舍所以戢官邪肅朝綱
也今日誠體是意豈復有偷安壅蔽者哉出通判湖州考
常平徹原以增積貯核隱產增附嬰兒局轉秘書郎知徽
州治先教化崇學校訪便民事以上請蠲減婺源源綃絹并
茶租折帛月椿等錢豫蓄常平義倉興修陂塘勸築橋梁
父憂服除改知衢州創立旬講務以理義淑士心歲撥千
緡養士屬邑積苦預借甫爲代輸三萬餘緡蠲放四萬七

氏姓譜

卷五

十三元

袁氏

九

千緡郡故有義莊增廣良田二百畝移提舉江東常平遇
水旱不均重以雨雪道殣相望甫亟發庫庾之積住催薪
舊窠名遣官分行振濟病者予藥餌會江閩寇迫饒信甫
慮民情易動分榜諭安之寇迄不敢犯兼提點本路刑獄
移司番陽問民疾苦薦循良劾貪決滯獄所至詣學宮
講說翔書院貴溪之南以祀陸九淵值霜殺桑春夏雨久
湖溢諸郡大水甫請於朝給度牒振恤之盜起常山調兵
屯廣信以備都城大火甫上封事言上下不交以言爲諱
天意人心實同一機災變之作端由於此願陛下因其所
可見察其所不可見行至公無私之心全保護大臣之體
率屬羣工大明黜陟與天下更始歲復早再請度牒緡錢
綾紙以助振恤勸藥院療疫癘前後五年所活殆不可計
彗星見應詔上疏言皇天所以震怒由愁苦之民衆人民

所以愁苦由貪冒之風熾願一變上下交征之習爲大公
至正之歸上順天意下合人心自然災變不生矣尋除直
徽猷閣知建寧府兼福建運判閩鹽隸漕司抑州縣變賣
公私苦之甫奏復舊例兼代輸泉漳興化民丁米錢所屯
左翼軍本備嗣寇招捕司移之江西甫檄使還營遇唐石
有寇卽調之以行名爲秘書少監入見奏無逸之義知稼
穡艱難自然逸欲不起乞力守更化以來求賢如不及之
意專意經術愛養精神無消天下讜言之氣遷起居舍人
兼崇政殿說書奏剛之一字最切於陛下所謂真剛者當
爲之事必行不當爲者斷而勿行陛下徒有慕漢宣之名
而乃墮元帝文宗之失蓋由不知剛德之真不用於斥邪
佞而反用於逐賢人也俄兼中書舍人論鄭清之行履畝
輸券之令有司避貴虐賤有力者未應令而追呼迫促破

氏姓譜

卷五

十三元

袁氏

十

家蕩產先及於中下之戶人心悲痛亡聊本朝立國以仁
陛下以此舉仁乎否乎帝爲惻然史嵩之帥江西甫當行
詞奏臣本與嵩之同里其父彌忠與臣有故每戒勿輕議
和而嵩之力主和議父子異心之人朝廷用之臣竊未解
旣而嵩之權刑部尙書復奏臣於嵩之本無讐怨但國事
所係誼難緘默終不與書諾命迺出知江州王遂抗疏力
爭帝轉以授其兄肅未幾除甫知婺州不拜嘉熙元年復
爲中書舍人入見帝問邊事甫奏四事曰固江陵堰瓦梁
輿流民復業及嵩之移京湖添江制置又奏嵩之輕脫難
信去年在淮西王楫由淮西而來北軍踵之今又併湖南
付之臣恐復以誤淮西者誤湖南也不報擢權吏部侍郎
入見奏江湖暴涌早魃爲虐楮幣蝕其心腹大敵剗其四
肢危亡之禍近在旦夕乞秉一德塞邪徑遷兵部侍郎奏

許珂總餉二十年焚林竭澤今反以知兵得召疏入珂補外甫遷吏部侍郎兼國子祭酒日召諸生叩其問學爲講明義理時邊遠日至甫條上十事至爲明備權兵部尙書兼吏部卒贈通奉大夫諡正肅有孝說孟子解後省封駁信安志江東荒政錄防拓錄樂事錄及文集行世

袁抗字立之南昌人同學究出身調陽朔縣簿薦補桂州司法參軍撫水蠻治舟且至抗卽楊梅石門兩隘建水柵二據其衝賊不得入後因置戍不廢事平遷衡州推官改大理寺丞以國子博士知南安軍擢提點廣東刑獄浙東叛卒鄂鄰鈔閩越抗率州兵逆戰海中值大風有告鄰溺死者抗不信鄰果趣占城還除度支三司判官金部員外郎爲梓州路轉運使徙益州值三司歲市上供綾錦鹿胎萬二千匹疏奏蜀民困憊願少紓其力以備秦中他日之

氏姓譜

卷聖

十三元

袁氏

十一

用是年郊祀遂濶其數之半黎州金山前後五部落仰歲售馬以爲衣食詔擇不任戰者却之抗言朝廷與蠻互市非所以取利苟一旦却之彼失利侵侮不知費直幾馬詔如舊制除江淮發運使召爲三司鹽鐵副使以老罷知宣州遷光祿少卿分司南京明堂覃恩改少府監卒家藏書至萬卷江西士大夫家鮮有及者子陟少刻厲好學善爲詩終殿中丞

袁滋問易於伊川曰易道在蜀蓋往來之滋入蜀訪問久無所遇已而見賣醬薛翁于眉邛間與語大有所得皆蜀隱君子也

袁詒字彥淳慶元府人父爲郡小吏給事通判廳勤謹無過失夫妻俱近五十無子往臨安置妾將婚察其女有憂色問知故蜀趙某家父歿鬻身爲歸葬計耳袁憐而還之

獨身歸妻迎問告以故笑曰予之有無命也我與汝周旋
久何必更待他人妻喜曰君設心如此行當有子明年生
韶登淳熙進士爲吳江丞常平黃檨檄田定役蘇師且
姻黨在吳江密以屬韶且曰當薦爲京朝官韶不聽師且
怒諷言者將論之榮亟以白於朝且薦韶由是顯名改知
桐廬多宗室持縣事無善去者韶始至絕私謁莫敢撓卻
錢塘取石爲江岸者嘉定四年召爲太常寺簿右司郎官
接伴金使因索歲幣語言慢甚韶折以兩國誓約止令輸
燕不聞在沐使者語塞擢令臨安理訟精簡平反冤獄甚
多紹定元年同知樞密院拜參知政事奏胡夢昱論濟王
事何罪遠竄不肯署敕李全叛楊州告急拜韶陝西制置
使仍治臨安以鎮遏之史彌遠懲韓侂胄用兵不欲聲討
韶與范楷力言揚州失守則京口且不可保禍將迫矣因

氏姓譜

卷五

十二元

袁氏

十一

薦准將卞整崔福可用適福至夜引與同見彌遠始決意
討全端平初以言罷奉祠卒年七十七贈少傅後以郊恩
累贈太師越國公

袁逢吉字延之鄆陵人曾祖儀仕唐以軍功至黃州刺史
祖光甫尉氏令父蟾大理評事逢吉四歲能誦爾雅孝經
七歲兼通論語尙書周太祖召試賞其精習賜束帛開寶
八年擢三傳第釋褐清江尉知州王明薦其能就除豐城
令運使張去華條上治狀召爲春秋博士淳化中累遷至
水部郎中呂蒙正薦其經術宜任學官會蜀叛授西川轉
運使至道初徙荆湖北路憚遠不赴罷知夔州川陝採訪
使上其治迹與朱協李虛已薛顏劄曠查道劉檢同賜褒
諭祥符中歷官鴻臚少卿卒年六十九逢吉性修謹練達
時務鄆州牧馬草地侵民田數百頃牒訴連不決命逢吉

按視至則悉還所侵田民咸德之兄及甫歷京東峽路轉運使至駕部郎中子成務比部員外郎京東轉運副使從子楚材至虞部員外郎

袁樞字機仲建安人幼力學嘗以修身爲務周必大劉琪皆期以遠器試禮部第一調溫州判官教授興化軍乾道七年爲禮部試官除太學錄輪對勸開言路之責以養士氣定恢復之計以圖萬全抑僥倖之徒以崇忠孝其言頗主張說上色不怡外補嚴州教授惠司馬光通鑑浩博爲區別其事而貫通之作通鑑記事本末參政龔茂良奏上孝宗讀而嘉嘆以賜東宮及朝臣諸帥令熟讀之曰治道盡在是矣召爲大宗正簿入對言曰竊聞陛下嘗讀通鑑屢有訓詞見諸葛亮論兩漢所以興衰有小人不可不去之戒大哉王言垂法萬世因歷陳往事自漢武下至唐文

氏姓譜

卷五

十三元

袁氏

十三

皆以偏聽奸佞馴致禍亂且曰人臣固有詐僞似誠儉佞似忠者苟陛下與之圖事進退天下士後必爲累上願謂曰朕不至此樞頓首謝曰所言及此天下之福也俄遷太府丞奏士大夫頗爲黨與人主有偏黨之心則臣下有朋黨之患比年或謂陛下寵任武士有厭薄儒生之心猜疑大臣親信左右內廷行廟堂之事近侍參軍國之謀雖云總權綱專聽覽而或壅蔽聰明潛移威福願可否惟聽於國人毀譽不私於左右又言古之謀人國者必示之以弱陛下銳意北伐臣願蓄威養銳勿示其形復抗疏勸上推廣大以存國體若今議者欲制宗室應舉鎖試之額限添差嶽祠減臣僚薦舉定文武任子嚴特奏之等展却禮之歲緩科舉之期此皆近來從衆之論會兼國史編修分脩史傳章惇家以樞同里宛轉爲請樞曰子厚爲相負國欺

君吾書法不隱寧負鄉人不敢負天下後世公議總史事
趙雄聞之歎曰無媿古良史矣權工吏二部郎官兩淮早
命廉視直楊廬和四郡歸陳兩淮形勢言近來徒知備江
不知保淮非所以戒不虞瓜州新城尤爲不急尋遷軍器
少監除提舉江東常平茶鹽改知處州入對言朋黨相附
則大臣之江重言路壅塞則人主之勢孤威權在下而主
勢弱故大臣逐臺諫以蔽人主之聰明威權在上而主勢
強故大臣結臺諫以遏天下之公議今朋黨尙在臺諫未
正紀綱言路將復荆棘矣上善之遷大理少卿通州民高
氏以產業事下大理侍御史冷世光納賂庇之樞直其事
以聞上怒立罷世光手詔權工部侍郎兼國子祭酒未幾
予郡復以從臣劾御史貶兩秩光宗受禪叙復元官提舉
太平興國宮知常德府寧宗擢右文殿修撰知江陵府江

氏姓譜

卷五

十三元

袁氏

高

陵瀕大江歲浸民無所托徙之故城爲室廬居之種木數
萬以爲捍蔽民懷其德尋劾罷奉祠卒年七十五閒居作
易傳解義辨異童子問等書藏于家

袁繼忠振武人徙并州周階州防禦使進之子陰補右班
殿直宋平澤潞討并汾悉預攻戰征蜀隸劉廷讓有功知
雲安軍歷嘉蜀二州監軍伐廣南爲先鋒遷供奉官護隰
州白壁闔屯兵時河東拒命累入其境破三砦擒將校二
人得生口馬牛鎧仗踰萬計遂畧地析代州收天平軍巡
檢太宗卽位遷閣門祇候令擊破梅山洞賊又巡邊部
於唐龍鎮從征太原預破鷹揚軍先登陷陣契丹入代境
率兵擊走之遷通事舍人護高陽闔屯兵破契丹長城口
殺獲數萬璽書褒美會趙保忠來朝獻地綏州刺史李克
憲優蹇不奉詔遣繼忠諭旨竟率克憲入朝遷西上閣門

副使又命率兵定河西諸州大破西人於葭蘆州遷引進
副使護定州屯兵遷閣門使大將田重進征契丹命繼忠
爲定州路行營馬步軍都監取飛狐下靈邱平蔚州擒其
帥大鵬翼以獻師還殿後行列甚整重進欲殺降卒繼忠
悉救免之遷判四方館事領播州刺史易州靜塞騎兵尤
驍果大將李繼隆取隸麾下旣而契丹陷靜塞城盡俘騎
兵妻子繼隆疑此軍怨已欲分隸諸將繼忠曰不可但奏
升其軍額優以廩給使之盡節可也衆皆感悅繼忠因自
請隸麾下會契丹大人駐唐河北諸將欲堅壁待之繼忠
曰今疆敵在近城中屯重兵不能剪滅顧令長驅深入豈
折衝禦侮之道乎我將身先士卒以死寇難辭氣慷慨衆
壯之靜塞軍摧鋒先入契丹大潰帝聞璽書獎諭厚賜予
之遷引進使護鎮定高陽關兩路屯兵以病卒年五十五

氏姓譜

卷五

十三元

袁氏

十五

爲人長厚忠謹士大夫多與之遊前後賜賚鉅萬悉以犒
士旣死家無餘蓄子用成雍熙初登進士至太常博士

袁鏞字天與郵人治春秋有文武才尙氣節登咸淳進士

父艱家居時宗室趙孟傳將作少監謝昌元皆寓鄞與鏞

故相友善鏞大言遭時不利公等食君之祿爲國重臣鏞

亦廁名薦剡爲臣死忠此其日也三人遂約誓以死徇國

德祐丙子三月元將遣遊騎至鄞之西山資教寺鏞馳以

告二人令鏞先往覘之曰我等將兵繼至鏞往二人懼竟

不出明日元軍大至孟傳昌元同迎降于慈谿之車廡鏞

被執元將脅令降罵曰我爲宋臣死則死爾終不從汝元

將怒命取晒箕穴之加于鏞頸縱火燎之鬚髮且盡詞氣

愈厲復以刃劫之益大罵遂遇害鏞三子二婦三孫闔門

十七人悉赴水死

袁默字思正無錫人嘉祐進士官至湖北轉運判官學問淵深爲時所宗

袁穀字容直鄞縣人嘉祐中進士少以詞賦得名知邵武軍條鹽法利害以便民奏減其課邵人祠之累官至朝奉大夫穀博貫羣書所著有韻類百卷

袁沔通州人未冠遊太學靖康之難虜騎再至慨然上書言當東據成臯西臨沔地以銳士擣虜巢穴則城下之師自解不報而城已陷沔歸漢中乃畫防險制敵五事其後膺薦復條十二事力詆諛佞用事者忌之沔度不見用拂衣而歸

袁植字材老無錫人登崇寧進士第詞學兼茂科爲監察御史金人入寇陳邊防十三事以諫佞人爲先不納引疾休致建炎召爲左司諫直言忤宰相黜守岳陽會虜騎大

氏姓譜

卷五

十三

袁氏

六

入叛臣李允文擁衆怙亂植條奏其狀遂遇害允文誅贈直龍圖閣

袁師夔雲安人紹興中進士師夔父孝純兄師允父子兄弟四人相繼登科鄉人榮之

袁顯益陽人矮身長髯勇敢過人建炎間湘寇楊么猖獗顯請于縣宰魏舜臣團鄉兵以捍一日賊傾寨來戰顯極力鏖戰爲賊所得賊欲用之顯罵賊不屈么置諸鼎獲而死舜臣哀之具禮以祭

袁灼穀子也進士第官至尚書倉部郎中守婺州武臣曹宗蔡京姻黨數犯法灼械于獄死焉京怒鑄其秩後爲倉部上疏以清心省事安不忘危爲言甚切直黜知泗州

袁申儒理宗時知常德府事善政及民興文學厚士風嘗于江南藉沒田一區名貢士庄以資入省者

袁鎮奉化人事親奉養備至雖顛沛不廢溫清端平初父
年七十病羸更醫禱弗驗乃一再刲股和藥以進父病垂
絕復存者十有五年異母兄有虐之者友事益謹孝弟之
稱無間戴表元爲作遷祔記以表其行

袁鳳字子儀九齡能詩時有神童之目登紹興丁丑進士
初尉理定其俗相習鸞妻鳳曰夫婦人倫之首可爾邪白
府嚴其禁攝荔浦縣嘗籌利民三事運帥張安國喜曰使
屬邑盡如袁令吾可臥而治矣終衛州錄事參軍

袁孝叔陳郡人少孤事母以孝聞母嘗得疾恍惚踰日不
痊孝叔忽夢一老父謂曰子母疾可治明旦迎吾於石壇
當有藥授子所居十里外有廢觀古石壇往而見父老在
焉拜迎至家卽於囊中取九靈丹一九以薪汲水服之卽
日而瘳

氏族譜

卷五

十三元

袁氏

七

袁梅字伯長慶元人幼學文脫去凡近長益留心典故常
謂宋末文燭濫克自奮厲希古作者舉茂才異等授麗澤
書院山長成宗大德初以薦改國史院檢閱官時初建南
郊梅進十議曰天無二日天旣不得有二五帝不得謂之
天作昊天五帝議祭天歲或爲九或爲二作祭天名數議
圜邱不見於五經郊不見於周官作圜邱非郊議后土社
也作后土卽社議三歲一郊非古也作祭天無間歲議燔
柴見於古經周官以禋祀爲天其義各有旨作燔柴泰壇
議祭天之牛角繭栗用牲於郊牛二合配而言之增羣祀
而合祠非周公之制作郊不當立從祀議郊質而尊之義
也明堂文而親之義也作郊明堂禮儀異制議郊用辛魯
禮也卜不得常爲辛作郊非辛日議北郊不見於三禮尊

地而遵北郊鄭元之說也作北郊議禮官推其博洽多采用者轉應奉翰林文字請購宋遼金三史遺書并上國學議歷拜集賢直學士久之移疾去英宗至治初遷翰林直學士泰定初辭歸卒封陳留郡公諡文清所著有易說春秋說及清容居士集五十卷

袁裕字仲寬洛陽人幼孤從兄避難聊城因家焉少嗜學世祖中統初辟中書右司掾始建言給重囚衣糧醫藥毆人至死者免籍其孥產止令出焚瘞錢後著爲令順天民王住兒因鬪殺人其母年七十訴曰妾寡且老恃此兒爲生兒死則妾亦旋死裕言於執政曰因誤殺人情非故犯當因其母宥之執政以聞得免死南京總管劉克興多掠良民爲奴隸後以矯制獲罪當籍奴產之半裕言於中書止籍其家奴得放出爲民者數百人至元中遷開封府判

氏姓譜

卷五

十三元

袁氏

六

官蒲川縣達魯花赤貪暴盛夏役民捕蝗禁不得飲水民不勝忿擊之斃有司坐以大逆寘極刑者七人連坐益衆裕曰彼自犯衆怒而死安可悉歸罪於民止議誅首惡餘各杖釋之部使者錄囚至疑其寬裕遂陳其狀於刑曹竟從裕議由監察御史拜西夏中興等路新民安撫副使時徙鄂民萬餘戶於西夏有司不與廩食流離載道裕爲計丁給地立三屯使耕以自養民始得安累除順德路總管有鐵冶提舉張鑑無子買妾其妻妬殺之裕捕其妻至訊之服辜未幾卒于官嘗以其兄有鞠育恩令其子師愈推蔭兄子仁師愈後官至侍御史

袁衷字德平明州人嘗著書學纂要使游藝者知所取法與臨川宋季子名並一時

袁易字通甫長洲人丰姿秀朗不求仕進行省使者將薦

之朝謝不可辟署石洞書院山長辭歸居吳淞具區閭築堂曰靜春聚書萬卷手自校定著靜春堂詩集四卷與郡人龔璠郭麟孫爲吳中三君子趙孟頫嘗作臥雪圖贈以美之子泰字仲長爲郡學教授別號寓齋亦有詩行世

袁明東安福人僞漢歐普祥陷袁州彭繼凱募義旅迎戰大敗之明東引兵來會並力克復袁城乃下令禁殺掠修城池繕甲兵弔死恤孤民賴稍安遣人詣顛迎舊守寶童歸寶童嫉其功令刺客殺之城中驚擾義士潰散

袁洪字季源鄞人七歲通詩書春秋初父與柄臣賈氏同名遂退屏居鄉里年十七以大父越國公恩劾補官馬光祖守臨安徵爲佐以敏達聞禮部尙書李伯玉中書舍人劉震孫以治劇初薦佐兩浙轉運遷大社令時賈相不樂四明人與同郡士六十餘人坐廢家居講學不及世務

氏姓譜

卷五

十三元

袁氏

九

袁明善字誠夫臨川人父公壽鄉稱善士明善師事吳文正公晚年教授于邵菴之門自號樓山所著有征賦定考南北之士游文正公門者明善最久公以遠大期之

袁士元字彥章鄞人宋忠臣鏞之孫自幼嗜學講誦至廢寢食父母憐而禁止之迺端坐默記不少輟長益旁搜遠輯務爲深博時守禮致和庠爲五經師學者翕然宗之監察御史奧林以茂才異等薦授鄞學教諭調西湖書院山長改鄞山書院未幾中書參政危素薦爲平江路儒學教授又用薦陞授文林郎翰林國史院檢閱官引年弗就

袁德麟常州路判官遇歲水旱賑濟有方浚城南渠以便舟楫去任人思其德爲立記

袁遵道豐縣人性穎悟年六歲能誦五經累官翰林直學士致仕以子貴贈中書參知政事追封汝南郡公諡文靖

袁岱 漢人幼聰敏博記能文延祐中舉進士爲夔州路大
寧州判官有能名

袁榮 甘泉縣人延祐初仕至昭武大將軍後爲雲南諸道
行御史臺中丞

袁清 吉廣州人少有至性有甥黎某素不逞過門不下馬
其兄祥吉遇之責曰爾母見在吾家何倨而無禮黎憾之
適土寇王城搆亂黎倡言曰里人無不服將軍者獨袁祥
吉不服不殺之無以號衆城信之執祥吉將加刑清吉詣
營哀告曰願以身代死望留兄養母撫幼姪城竟殺清吉
以示衆

明

袁洪 愈字抑之吳縣人舉嘉靖二十五年鄉試第一明年
成進士授中書舍人擢禮科給事中劾檢討梁紹儒阿附

氏姓譜

卷五

十三元

袁氏

二十

權要文選郎中白璧招權鬻官尙書萬鏗侍郎葛守禮不
檢下詔切責鏗守禮下璧詔獄斥紹儒於外紹儒大學士
嚴嵩私人也已陳邊務數事詔俱從之嵩屬吏部尙書吳
鵬出爲福建僉事歷河南參議山東提學副使湖廣參政
所在以清節著嵩敗召爲南京太僕少卿就遷太常隆慶
五年以疾歸萬歷中起故官遷南京工部右侍郎進右都
御史掌南院事就改禮部尙書南京御史譚希思疏論中
官外戚且請循舊制內閣設絲綸簿宮門置鐵牌詔下南
京都察院勘訊將坐以誣罔洪愈已改官代者未至乃具
言希思所陳載王可大國憲家猷薛應旂憲章錄二書帝
以所據非頒行制書謫希思雜職洪愈尋上疏請禁干謁
又極諫屯田廢壞之害乞令商人中鹽免內地飛輓皆議
行萬歷十五年就改吏部其冬引年乞休帝重其清德加

太子少保致仕洪愈通籍四十餘年所居不增一椽出入
徒步卒年七十四巡撫周孔教捐金塋之贈太子太保諡
安節子一鄂以廕官治中饘粥不繼以死

袁泰萬泉人洪武進士授湖廣鄱縣丞累官右都御史處
心廉正執法不移理枉伸冤祛除民害一時良善獲安奸
邪不得肆志

袁繼成字季通宜春人天啟五年進士授行人崇正三年
冬擢御史監臨會試坐縱懷挾舉子謫南京行人司副遷
主客員外郎七年春擢山西提學僉事未行總理戶工二
部中官張彞憲有朝覲官齋冊之奏繼成疏論之謂此令
行上自藩臬下至守令莫不次第參謁屏息低眉跪拜於
中官之座率天下爲無恥事大不便彞憲大恚與繼成互
訐奏帝不聽乃子身赴任久之巡撫吳姓薦其廉能而巡

氏姓譜

卷四十五

十三元

袁氏

二一

按御史張孫振以請屬不應疏誣繼成賊私事帝怒逮繼
成責咍回奏咍賢繼成斥孫振諸生隨至都伏闕訴冤繼
成亦列上孫振請屬狀及其贓賄數事詔逮孫振坐謫成
繼成得復官十年除湖廣參議分守武昌以兵擄江賊巢
興國大冶山中禽賊首呂瘦子降其黨千餘人詔兼僉事
分巡武昌黃州擊退賊老回回革裏眼等七大部黃陂黃
安築黃岡城六千餘丈十二年移淮陽忤中官楊顯名奏
鐫二秩調用督師楊嗣昌以其知兵引參軍事明年四月
擢右僉都御史撫治鄖陽未一年襄陽陷被逮成貴州十
五年廷臣交薦起故官總理河北屯政未赴賊逼江西廷
議設重臣總督江西湖廣應天安慶軍務駐九江擢繼成
兵部右侍郎兼右僉都御史以行賊已陷武昌左良玉擁
兵東下繼成遇良玉於蕪湖激以忠義良玉卽還恢復武

昌廷議呂大器來代繼成仍督屯政大器良玉不協長沙
袁州俱陷仍推繼成代之甫抵鎮而京師陷福王立南都
詔繼成入朝高傑新封興平伯繼成曰封爵以勸有功無
功而封有功者不勸跋扈而封跋扈愈多王曰事已行奈
何繼成曰馬士英引傑渡江宜令往輯王曰彼不欲往輔
臣史可法願往繼成曰陛下嗣位固以恩澤收人心尤宜
以紀綱肅衆志乞振精神申法紀冬春間淮上未必無事
臣雖驚願奉六龍爲瀆淵之舉王有難色因詣榻前密奏
曰左良玉雖無異圖然所部多降將非孝子順孫陛下初
登大寶人心危疑意外不可不慮臣當星馳回鎮許之因
赴閩責可法不當封傑士英嫌之俄陳致治守邦大計引
宋高宗用黃潛善汪伯彥事語復侵士英會湖廣巡按御

氏姓譜

卷五

十三元

袁氏

三

史黃澍劾奏士英十大罪士英擬旨逮治澍與良玉謀陰
諷將士大譁欲下南京索餉解救澍繼成爲留江漕十萬
石餉十三萬金給之且代澍申理以良玉依仗澍爲言士
英不得已免逮澍繼成既與士英隙所奏悉停寢明年正
月繼成言元朔者人臣拜手稱觴之日陛下嘗膳臥薪之
時念大恥未雪宜以周宣之未央問夜爲可法以晚近長
夜之飲角觥之戲爲可戒省土木之功節浮淫之費戒諭
臣工後私鬪而急公讐臣每歎三十年來徒以三案葛藤
血戰不已若要典一書已經先帝焚毀何必復理其說書
苟未進宜寢之卽已進宜毀之至王者代興從古亦多異
同平勃迎立漢文不聞窮治朱虛之過房杜決策秦邸不
聞力究魏徵之非固其君謬達大度亦其大臣公忠善謀
翊贊其美請再下寬大之詔解圍屏疑人之囚斷草野株

連之案王降旨俞其言羣下皆不喜繼成汰其軍餉六萬軍中有怨言繼成疏爭不得又以江上兵寡鄭鴻達戰艦不還議更造檣九江僉事葉士彥於江流截買材木士彥家蕪湖與諸商暱封還其檣繼成以令不行疏劾士彥士彥同年御史黃耳鼎亦劾繼成言繼成有心腹將校勸左良玉立他宗良玉不從云良玉嘗不拜監國詔聞之益疑懼上疏明與繼成無隙耳鼎受指使而言要典宜再焚江東人乃由是交口言繼成良玉倡和脅制朝廷矣會都下又有僞太子之事良玉爭不得遂與士英輩有隙繼成疏言太子真僞非臣所能懸揣真則望行良玉言僞則不妨從容審處多召東宮舊臣辨識以解中外之疑疏未達良玉已反初繼成聞李自成兵敗南下命部將郝效忠陳麟鄧林奇守九江自統副將汪碩畫李士元等援袁州防賊

氏姓譜

卷五

十三元

袁氏

三三

由岳州長沙入江西境既已登舟聞良玉反復還九江良玉舟在北岸貽書繼成願握手一別爲皇太子死九江士民泣請繼成往紓一方難繼成會良玉於舟中良玉語及太子下獄事大哭次日舟移南岸良玉袖出皇太子密諭劫諸將盟繼成正色曰密諭何從來先帝舊德不可忘今上新恩亦不可負密諭何從來良玉色變良久乃曰吾約不破城改檣爲疏駐軍侯旨繼成歸集諸將於城樓而灑泣曰兵諫非正晉陽之甲春秋惡之可同亂乎遂約與俱拒守而效忠及部將張世勳等則已出與良玉合兵入城殺掠繼成聞之欲自盡黃樹入署拜泣曰寧南無異圖公以死激成之大事去矣副將李士春亦密白繼成隱忍至前途王文成之事可圖也繼成以爲然遂出責良玉良玉已疾篤夜望見城中火起大哭曰予負臨侯臨侯繼成別

號也嘔血數升遂死其子夢庚秘不發喪諸將推爲帥移舟東中朝皆疑繼成良玉同反而南都時已破諸鎮多納款繼成勸夢庚旋師不聽遣人語林奇碩畫士元毋爲不忠事林奇碩畫士元避皖湖中遣人陰逆繼成繼成已爲效忠給赴其軍將及湖口而夢庚效忠降於我

大清遂執繼成牝去館內院至明年三月終不屈乃殺之
袁宗儒字醇夫雄縣人正德三年進士授御史十二年冬帝在大同以郊祀將回鑿旣而復止宗儒率同官力諫明年夏孝貞純皇后將葬帝還京宗儒等復引災異力請罷皇店遣邊兵旣又諫帝巡邊語極危切皆不報擢大理寺丞嘉靖三年爭大禮廷杖歷官右僉都御史巡撫貴州吏部尚書桂萼議宗儒改調遂解職歸未幾起鄖陽改山東坐屬吏振饑無術不能覺察罷免以薦起左副都御史扈

氏姓譜

卷五

十三元

袁氏

二四

譚承天還京卒

袁珙字廷玉鄞人鏞元孫也父士元翰林檢閱官珙生有異稟好學能詩嘗遊海外浴伽山遇異僧別古崖授以相人術先仰視皎日日盡眩布赤黑豆暗室中辨之又懸五色縷牕外映月別其色皆無訛然後相人其法以夜中燃兩炬視人形狀氣色而參以所生年月百無一謬珙在元時已有名所相士大夫數十百其於死生禍福遲速大小并刻時日無不奇中南臺大夫普化帖木兒由闔海道見珙珙曰公神氣嚴肅舉動風生大貴驗也但郎堂司空有赤氣到官一百十四日當奪郎然守正秉忠名垂後世願自勉普署臺事於越果爲張士誠逼取郎緩抗節死見江西憲副程徐曰君帝座上黃紫再見千日內有二美除但冷笑無情非忠節相也徐於一年後拜兵部侍郎擢尙書

又二年降於明爲吏部侍郎嘗相陶凱曰君五岳朝揖而氣色未開五星分明而光澤未見宜藏器待時不十年以文進爲異代臣官二品其在荆揚間乎凱後爲禮部尙書湖廣行省參政其精類如此洪武中遇姚廣孝於嵩山寺謂之曰公劉秉忠之儔也幸自愛後廣孝薦於燕王召至北平王雜衛士類已者九人操弓矢飲肆中琪一見卽前跪曰殿下何輕身至此九人者笑其謬琪言益切王乃起去召琪宮中諦視曰龍行虎步日角挿天太平天子也年四十鬚過臍卽登大寶矣已見藩邸諸校卒皆許以公侯將帥王慮語洩遣之還及卽位召拜太常寺丞賜冠服鞍馬文綺寶鈔及居第帝將建東宮而意有所屬故久不決琪相仁宗曰天子也相宣宗曰萬歲天子儲位乃定琪相人卽知其心術善惡人不畏義而畏禍患往往因其不善

氏姓譜

卷五

十三元

袁氏

三五

導之於善從而改行者甚多爲人孝友端厚待族黨有恩所居鄞城西遠舍種柳自號柳莊居士有柳莊集永樂八年卒年七十有六賜祭葬贈太常少卿

袁華字子英崑山人少穎悟不羣讀書三過輒記誦不忘工詩尤長于樂府與顧阿瑛友善楊維禎尤重其人以才子目之洪武初爲郡學訓導坐累卒于京師

袁珪字廷圭五歲讀書卽成誦十八能詞翰洪武壬戌禮聘至京試治道安民論稱旨授高州茂名主簿後謫成大寧以詩文自娛名聞燕邸召爲府紀善永樂改元賜銀幣官禮科給事中有敢言聲九年出判和州後復兩見舊都賜賚益厚秩滿乞老終于家爲人慈祥至孝自號清白庄有清白集曾孫孟悌舉成化丁未進士授南京祠祭主事

免歸

袁錠真寧人永樂甲午舉人授御史陞河南知府廉以律已誠以待下作勸善榜以諭弗率者作勸農歌以示失業者任滿民立去思碑歷參政

袁伯儀沅陵人博學有才識永樂鄉薦以道德首重拜監察御史廉慎克振風紀時中貴人與當路不協欲中傷之先使人謂伯儀曰若能爲我去此人當有美除伯儀曰害良善以取美官君子不爲也吾爲御史可聽行人言乎遂上疏論之後以病乞歸卒

袁旭字廷輔樂安人永樂進士授江津知縣以直免歸琴書之外無長物尋詔舉知寧國府百政具舉比述職簡賢凡十人旭居其一賜襲衣褚幣宴禮部後爲御史陳富構陷下獄卒旭甘澹泊見善如不及然疾惡太甚故卒以誣死云

氏姓譜

卷五

十三元

袁氏

三

袁均哲字庶明建昌人正統中知郴州爲人有幹局剖訟明決操履清慎境內解宇祠廟橋舖之類多其遺跡嘗續刻郡志至今傳焉

袁正字貞吉中天順壬午鄉試成化丙戌進士知歙縣在任廉明不以財賄自浼苟有利民之政必廣施之性寬厚民悅之陞監察御史

袁慶祥字德徵自幼卓越不羣成化戊子以書經發解人太學歷事內府陳五事一曰省國費以節民用二曰嚴選舉以重守令三曰修武備以防邊患四曰存公道以守國法五曰起民望以惜才能

袁道字德純吉水人賦性剛介清苦力學以氣節自負成化壬辰進士擢監察御史巡按廣東黜罷賊吏搜剔奸弊雖藩臬諸司咸曰勿使有玷缺使袁御史知也時稱爲真

袁經字載道青縣人正德進士十三年以戶部員外郎謫同知剛介廉謹珍愛士類修築城隍疏導芍波水利民便之歷官河南按察司僉事

袁衮長洲人嘉靖進士初任廬陵縣知縣有異政得民心陞禮部主事歷郎中與弟衮先後卒兄弟皆有文學名傾一時惜蚤卒不竟其業

袁仕鳳字彥祥東莞人成化乙未進士初授廣昌縣知縣廉介風厲擿伏如神鋤擊豪強後知萬安縣民間風畏之及視事愛民如子平心易氣故每一事行之民必帖然服陞都察院都事卒于官二縣人思之真如父母云

袁孟正永樂初知襄陽縣蒞政有方善於撫字革奸弊均賦役時值營造徭役之煩民賴以不擾至今百姓懷之

氏姓譜

卷四十五

十三元

袁氏

七

袁珪正德初任高安縣主簿善騎射時建昌徐賊聚亂兇焰甚熾珪承檄統兵分勦以衆寡不敵死于陣事聞贈知縣從祀節愍祠

袁玘興寧進士歷官刑部郎中政稱平恕卒之日圖書敗篋蕭然可掬侍郎崔巖請給官田以贍其家祀鄉賢

袁禮節字龍潭郴州人嘉靖丙午歲貢任河南延津訓導秉性端方教士務實行不尚浮飾卒于任士皆為垂涕中丞鄒公守愚遣官賻送稱之曰明道先生

袁啟翼平樂人崇正間貢生為弟子員屢試皆第一癸優行者四母李氏年四十六歲病幾不起啟翼早夜焚香虔禱願奪已算以增母壽母病果愈壽至七十有八巡撫吳德操重其品辟署昭平學博尋辭歸避地著書課其子景星登

康熙甲辰進士

袁子讓萬歷乙酉舉人辛丑進士授嘉定知州課士愛民有文翁風擢兵部員外郎入都民扳轅泣留著有字學元元香海棠集

袁才輔進士授寧都知縣誠心愛民秩滿當遷民詣闕奏留先是邑民以盜聞當道議屠戮之輔白其誣願以身保由是獲免至今尸祝

袁經字大倫寧鄉人孝宗時進士授西安府推官擢御史按事兩淮及三吳省奇工織造擢按察使巡撫遼東卒遣官諭祭

袁球醴陵人嘉靖中貢生授建平訓導以孝友自勵言行皆可師法泄官深嚴義利之介祀名宦

袁麟字石麟授丹陽令以卓異內召進南臺御史首劾吏

氏姓譜

卷五

十三

袁氏

六

邵尚書王紹徽都御史喬應甲風度凜然崇正初超擢掌院學士生員梁以樟罹橫禍鯨力救之歷官都察院左副都御史因病乞休

袁郵東莞人湘潭教諭言動不苟日與生徒講明性理人稱儒宗

袁達福建閩縣人嘉靖間由鄉舉任安仁縣治政嚴肅邑素多盜達躬自蹤躡摘發如神歲餘奸宄斂跡

袁文修號敬元廣西平樂人萬歷二十一年知耒陽縣值歲旱多方賑恤有諸生負奇寃文修至力剖之

袁劉芳廣東舉人初知新寧縣丰裁凜然建寅賓館福德祠重修江口橋石墩士民立生祠祀之

袁燿字懋中慈谿人嘉靖十七年會試第一殿試第三授編修燁性行不羈爲御史包孝所劾帝宥不罪進侍讀簡

直西苑撰青詞最稱旨三十五年閣臣推修撰帝特用焯
焯疏辭願以故官供奉帝大喜立擢侍講學士甫兩月手
詔拜禮部右侍郎明年加太子賓客兼學士賜一品服三
十九年復以供奉恩加俸二等俄進左侍郎明年二月調
吏部兼官供奉如故踰月遷禮部尚書加太子少保仍命
入直焯自供奉以後六年中進宮保尚書前未有也四十
四年春疾篤請假歸道卒年五十八贈少師諡文榮焯才
思敏捷帝中夜出片紙命撰青詞舉筆立成遇中外獻瑞
輒極詞頌美帝蓄一猫死命儒臣撰詞以醮焯詞有化獅
化龍語帝大悅自嘉靖中詞臣索供奉工青詞者立趨擢
時謂李春芳嚴訥郭朴及焯爲青詞宰相云

袁剛兄弟四人友愛天成性不知書而大義昭然可述三
弟貧不能自立皆均其利以相恤俟其成立娶婦而後出
氏姓譜

卷四十五

十三元

袁氏

二九

分諸弟皆感激妻楊氏克贊夫志畧無纖微見于顏面人
服其刑于之化

袁凱字景文松江華亭人元末爲府吏博學有才辨議論
颯發往往屈座人洪武三年薦授御史武臣恃功驕恣得
罪者漸衆凱上言諸將習兵事恐未悉君臣禮宜於都督
府延通經學古之士令諸武臣赴都堂聽講庶得保族全
身之道帝敕臺省延各十直午門爲諸將說書後帝慮囚
畢命凱送皇太子覆訊多所矜減凱還報帝問朕與太子
孰是凱頓首言陛下法之正東宮心之慈帝以凱持兩端
惡之凱懼佯狂免告歸久之以壽終凱工詩有盛名性詭
諧自號海叟背戴烏巾倒騎黑牛游行九峰間好事者至
繪爲圖初在楊維禎座客出所賦白燕詩凱微笑別作一
篇以獻維禎大驚賞徧示座客人遂呼袁白燕云

袁彬字文質江西新昌人正統末以錦衣校尉扈帝北征
土木之變也先擁帝北去從官悉奔散獨彬隨侍不離左
右也先之犯大同宣府逼京師皆奉帝以行上下山坂涉
溪澗宵危險彬擁護不少懈帝駐蹕土城欲奉書皇太后
貽景帝及諭羣臣以彬知書令代草帝既入沙漠所居止
毳帳敞幃旁列一車一馬以備轉徙而已彬周旋患難未
嘗違忤夜則與帝同寢天寒甚恆以脅溫帝足有哈銘者
蒙古人幼從其父爲通事至是亦侍帝帝宣諭也先及其
部下嘗使銘也先輩有所陳請亦銘爲轉達帝獨居橐廬
南望悒鬱二人時進諧語慰帝帝亦爲解顏中官喜寧爲
也先腹心也先嘗謂帝曰中朝若遣使來皇帝歸矣帝曰
汝自送我則可欲中朝遣使徒費往返爾寧聞怒曰欲急
歸者彬也必殺之寧勸也先西犯寧夏掠其馬直趨江表

氏姓譜

卷五

十三元

袁氏

三

居帝南京彬銘謂帝曰天寒道遠陛下又不能騎空取凍
飢且至彼而諸將不納奈何帝止寧計寧欲殺二人皆帝
力解而止也先將獻妹於帝彬請駕旋而後聘帝竟辭之
也先惡彬銘二人欲殺者屢矣一日縛彬至曠坐將支解
之帝聞如失左右手急趨救乃免彬嘗中寒帝憂甚以身
壓其背汗浹而愈帝居漠北期年視彬猶骨肉也及帝還
京景帝僅授彬錦衣試百戶天順復辟擢指揮僉事尋進
同知帝眷彬甚奏請無不從內閣商輅旣罷彬乞得其居
第旣又以湫隘乞官爲別建帝亦報從彬娶妻命外戚孫
顯宗主之賜予優渥時召入曲宴叙患難時事歡洽如故
時其年十二月進指揮使與都指揮僉事王喜同掌衛事
二人嘗受中官夏時囑私遣百戶季福偵事江西肅者帝
乳媪夫也詔問誰所遣二人請罪帝曰此必有主使者遂

下福吏得二人受囑狀所司請治時及二人罪帝宥時二人贖徒還職而詔自今受囑遣官者必殺無赦已而坐失囚喜解職彬遂掌衛事五年秋以平曹欽功進都指揮僉事時門達恃帝寵勢傾朝野廷臣多下之彬獨不爲屈達誣以罪請逮治帝欲法行語之曰任汝往治但以活袁彬還我達遂鉅鍊成獄賴漆工楊塤訟寃獄得解然猶調南京錦衣衛帶俸閒住越二月英宗崩達得罪貶官都勻召彬復原職仍掌衛事未幾達徵下獄充軍南丹彬餞之於郊餽以贖成化初進都指揮同知久之進都指揮使先是掌錦衣衛者牽張權勢罔財賄彬任職久行事安靜十三年擢都督僉事漴前軍都督府卒于官世襲錦衣僉事袁敏金齒衛知事也英宗北征應募從至大同及駕還駐萬全左衛敏見敵騎逼請留精兵三四萬人扼其衝而車

氏姓譜

卷五

十三元

袁氏

三

駕疾驅入闕王振不納六師遂覆敏跳還上書景帝曰上皇曩居九重所服者袞繡所食者珍羞所居者瓊宮瑤室今駕陷沙漠服有袞繡乎食有珍羞乎居有宮室乎臣聞之主辱臣死上皇辱至此臣子何以爲心臣不惜碎首剗心乞遣官一人或就令臣齋書及服御物問安塞外以盡臣子之義臣雖萬死心實甘之命禮部議竟報寢

袁化中字民諧武定人萬歷三十五年進士歷知內黃涇陽有善政泰昌元年擢御史時熹宗冲齡踐阼上無母后宮府危疑化中上疏劾輔臣方從哲報聞天啟元年二月疏陳時事可憂者八曰宮禁漸弛曰言路漸輕曰法紀漸替曰賄賂語皆剴切出按宣大以憂歸服除起掌河南道人心漸離語皆剴切出按宣大以憂歸服除起掌河南道楊漣劾魏忠賢化中亦率同官上疏曰忠賢障日蔽月逞

威作福視大臣如奴隸斥言官若狐雛殺內廷外廷如草菅朝野共危神人胥憤特陛下未之知故忠賢猶有畏心今健已侃詞入告矣陛下念潛邸微勞或貸忠賢以不死而忠賢實自懼一死懼死之念深將挺而走險騎虎難下臣恐其橫逞之毒不在搢紳而卽在陛下陛下試思深宮之內可使多疑多懼之人日侍左右而不爲防制哉疏入忠賢大恨錦衣陳居恭者忠賢爪牙也爲健所論及亦攻忠賢自解化中特疏劾之落其職毛文龍獻俘十二人而稚兒童女居其八化中力請釋之因言文龍叙功之濫忠賢素庇文龍益不悅崔呈秀按淮揚賊私狼籍回道考覈化中據實上之崔呈秀大恨會謝應祥廷推被訐化中與其事呈秀遂嗾忠賢貶化中秩調之外已竄入汪文言獄詞中逮下詔獄呈秀令許顯純坐以楊錦熊廷弼賄賂六十

氏姓譜

卷五

十三元

袁氏

三

酷刑拷掠於獄中斃之崇正初贈太僕卿官其一子福王時追諡忠愍

袁宏道字中郎公安人與兄宗道弟中道並有才名時稱三袁宗道字伯修萬歷十四年會試第一授庶吉士進編修卒官右庶子泰昌時追錄光宗講官贈禮部右侍郎宏道年十六爲諸生卽結社城南爲之長閒爲詩歌古文有聲里中舉萬歷二十年進士歸家下帷讀書詩文主妙悟選吳縣知縣聽斷敏決公庭鮮事與士大夫談說詩文以風雅自命已而解官去起授順天教授歷國子助教禮部主事謝病歸久之起故官尋以清望擢吏部驗封主事改文選尋移考功員外郎立歲終考察羣吏法言外官三歲一察京官六歲武官五歲此曹安得獨免疏上報可遂爲定制遷稽勲郎中後謝病歸數月卒中道字小修十餘歲

作黃山雪二賦五千餘言長益豪邁從兩兄宦游京師多
交四方名士足跡半天下萬歷三十一年始舉於鄉又十
四年乃成進士由徽州教授歷國子博士南京禮部主事
天啟四年進南京吏部郎中卒于官先是王李之學盛行
袁氏兄弟獨心非之宗道在館中與同館黃輝力辨其說
於唐好白樂天於宋好蘇軾名其齋曰白蘇至宏道益矯
以清新輕俊學者多舍王李而從之目爲公安體然戲謔
嘲笑間雜俚語空疎者便之其後王李風漸息而鍾譚之
說大熾鍾譚者鍾惺譚元春也

袁衮字承之七歲能詩舉嘉靖五年進士改庶吉士張璉
惡之出爲刑部主事累遷廣西提學僉事兩廣自韓雍後
監司謁督府率庭跪衮獨長揖無何謝病歸子曾尼字魯
望亦官山東提學副使有文名

氏姓譜

卷五

十三元

袁氏

三三

袁黃字了凡浙江嘉善趙田人登萬歷丙戌進士累官兵
部主事黃以聖賢自期許立功過格及立命篇以教諸子
曰日日知非日日改過一日不知非卽一日安於是一日
無過可改卽一日無功可進毋自曠也復博極羣書著述
甚富合先儒之所纂記名曰歷史綱鑑補刪煩就簡事備
而文約曰紀曰編曰鑑曰綱欵識攸明外有史漢定本及
四書五經疏意行世學者多宗尙之稱爲了凡先生

歷代列女

袁氏字太捨以文名陳后主召入宮選宮人有文學者爲
女學士太捨居第一

袁氏字寶兒隋煬帝宮人也洛陽進合帶花得之嵩山塢
中人不知名採者異之會煬帝駕適至因名迎輦花濃艷
芬馥或惹襟袖移時不散嗅之令人不睡命御車女袁寶

兒持之號司花女時虞承興世南草征遼德音于側寶兒注視之帝曰昔傳飛燕可掌上舞今得寶兒方昭前事然多愁態今注目于卿卿可便嘲之虞爲絕句曰學畫鴉黃半未成垂肩鞞袖太愁生緣愁却得君王惜長把花枝傍輦行帝稱美

袁氏分宜人陳九淵妻元季兵亂邑萬戶王同者聞袁美姿容殺其夫謀娶之袁哭曰夫爲我死我當以死報夫遂自刎識者義之

袁氏建康溧水州人年十五母嚴氏孀居極貧病癱瘓臥於床者數年女事母極孝至正十二年兵火延其里隣婦強攜女出避火女泣曰我何忍舍母去遂入室抱母共焚死焉

袁氏六合人鄭瓘妻年十八受鄭聘而瓘得奇疾不能治

氏姓譜

卷五

十三元

袁氏

三四

袁告于父母歸鄭侍夫疾二年不懈及歿求自盡家人救之得不死曰我一寡婦耳留此何爲聞者感泣太宰蕭山魏驥爲作節婦傳

袁氏瑞州李馬兒妻年十九夫故誓不更嫁里中挾勢謀娶之袁曰吾聞烈女不二夫寧死不從卽往夫墓哭繼於樹下

袁氏新喻人張均海妻也海以賢能膺薦試官浙右以母梁氏年踰八十不得省視遣人歸袁氏于家而梁嬰風疾伏枕月餘袁割股以食梁遂愈石門梁寅爲文美之

袁氏名妙善山陰羊望村人父手純勞于王事貲產豐給遺幼子一人宗族利其貲者甚衆妙善方待年未字奮然願保其弟誓不適人且稍散其貲以安宗族及弟娶婦俞氏妙善喜庶幾振其宗未幾弟亡俞氏又亡妙善益勵初

志擇袁氏同姓者爲嗣後孫次晟天順八年進士官御史
袁氏龍州人嚴庸妻事舅姑孝姑疾侍湯藥不懈甚爲鄉
里所稱承樂間庸補州學生因歸省墜輿文棧道溺死袁
氏年十八亟趣夫溺處尋屍不見因大哭夫死無子獨生
何爲亦投水死尋屍兩月不得後漁人於沙回頭河得一
屍同處人以爲節義所感有司上其事旌爲貞節

袁氏汝州人黃士馬元吉妻承樂初元吉卒于京師袁氏攜
幼子歸葬養舅姑以天年終子亦成立守節四十
年正統而旌其門曰貞節

袁氏戴克官妻也克官早逝袁二十一誓以死殉父諭曰
爾方有孕長子慶庭尚在襁褓遺腹生子紹庭袁紡績課
讀俱列膠庠事聞院司學憲旌其門曰乾坤正氣

袁氏周志贊妻也奉姑以孝聞年未三十夫卒與妾同守

氏姓譜

卷五

十三元

袁氏

三五

視庶子如親生

袁氏桂楊州人何文字妻也文字受知於督學有文名萬
歷丙戌沒袁年二十六茹苦撫孤卒以成立州守旌其廬
袁氏何繼元妻也年二十六夫沒苦節撫孤成立州牧旌
其門閭

袁氏婦姓李袁一初妻益陽人洪武戊申一初死於兵氏
年少撫孤守節不渝詔旌其門

袁氏醴陵人劉樓妻也年十八適樓甫三月樓卒舅姑老
其家益落父球知女志給田以贍蔬食素衣卒年六十六
袁氏湘潭人賓瑤妻也事翁姑以孝聞歲荒自食野蔬辟
糲易粟甘旨無缺甲申之變避兵於邑之蠟樹塘被執厲
聲大罵不屈而死

袁氏婦袁總妻姓李新化人一子方歲餘總死氏苦節自

守言笑不苟孀居四十餘年卒

袁氏彭瑄妻瑄母周氏以孝聞瑄原武縣丞卒袁氏體姑之孝其事周亦如之庚午五開苗亂袁挾子避兵追及欲犯之袁赴水死其子繼之

袁氏武岡人王鈞臣妻攜子女三人爲亂兵所執俱赴水死

袁氏上元竺公能妻戶部照磨袁文質女名秀芝歸竺僅七年而夫卒時年二十四事舅姑盡婦道間值歲歉姑趙氏患痢越兩月不差袁衣不解帶洗浣穢汚後舅姑繼亡鑿資營備塋事紡績自給撫養孤弱知縣馬毅上其事未及旌表而卒年七十餘長子端授江州建昌府通判

袁貞女靖州人五開衛百戶袁傑女八歲聘于指揮王戴子言言甫七歲以父賊禁追遂卒袁守節至老不二

氏姓譜

卷五

十三元

袁氏

三

袁氏雩都人李崇仁妻年二十適崇仁明年夫故遺腹生子時姑年八十袁奉養盡誠洪武中旌其門曰貞節

袁氏全州人陳學顏妻學顏早卒子處厚方數歲袁守志不渝姑閱其年少陰使人諷之袁泣曰烈女不更二夫姑脫不諒此心當一死以從夫地下議遂寢養姑孝不少袁承樂間旌之學顏弟陳士亦早卒生子朴未彌月妻余氏矢志育孤稱雙節云

氏姓譜卷四十五終

